



20  
Lat.





STOMACHUS CHRISTI  
SANGUINE ROSA  
DE MARIANA  
VIRGO PERVANA

Terti Ordinis Sancti Patris

DOMINICI

Compendio enarrata.

Præcis Romæ

Sanctæ rerum in Polonia, recastæ


*Græcæ Licentia Superiorum.*



GRAGOVIA,

apud Stanislaum Piotrowskyk,

R.M. Typogr. A. 1676.



SPONSA CHRISTI  
SANCTA ROSA

DE S. MARIA  
VIRGO PERVANA

Tertij Ordinis Sancti Patris

DOMINICI

Compendio enarrata.

Prius Romæ

Nunc iterùm in Polonia, recusa.

*Cum licentia Superiorum.*



GRACOVIAE,

Apud Stanislaum Piotrkowczyk,

S. R. M. Typogr. A. 1671.

*P. P. Eremit. Camer. Montis Regij. i. p. p.  
G. W. Samian*



Delicium cæli, flos & lectissimus Orbis,  
Peruano creuit, quæ Rosa pulchra, solo.  
Dum sibi Magnus per Te Placidissime Myster,  
In Triados templo congregatur honos.  
Cælitus ipsa tibi faustissima quæq; precatur.  
Sis placitumq; Tui, corq; caputq; gregis.

B. J. Bien. B. V. 3

In Limenses Spinas

SANCTÆ ROSÆ,  
ACROSTICHIS.

Res noua Christe tuas pungit ROSA dia  
medullas,

Opprimat auricomum cūm fera spina  
caput.

Spinis en roseis configeris ō bone IESV!

An decet à tenerâ spina molesta ROSA.

Lima mihi dulces spinas producit amoris.

Infligit cordi vulnera chara meo.

Me ROSA Limensis soboles placidissima  
terræ,

Eiaculans animo spinea tela suo:

Non segni figit iactu, sed figitur ipsa,

Spinis, & pariter concalet ipsa meis.

Inque vicem, nostras spinas sentimus  
vtrinque,

Sic ROSA spina mihi; sic ego spina  
ROSÆ.

E C H O  
 R O S Æ A M E R I C A N Æ  
 I N  
 E V R O P Æ  
 R E S O N A N S P L A G A.

<i>Responde gelidus, habitans conuallibus</i>	ECHO
<i>Orbis cur laudans I, ROSA clamat?</i>	AMAT.
<i>Hac mundi spinas tollet, dans prospera:</i>	SPERA.
<i>Cunctis nec rerum copia deerit:</i>	ERIT.
<i>Hac &amp; Lechiadus pacem reparabit.</i>	ARABIT.
<i>Et bellum fugiet triste Polonus:</i>	ONVS.
<i>Sic sic ad Diuam, precibus concurritur:</i>	ITVR.
<i>Et turo tendit, remige nauita:</i>	ITA.
<i>Da ROSA, nunc roseos annos da viuere:</i>	VERE.
<i>Atque frui caelo, post bona fata:</i>	DATA.
<i>Si mihi vera refers Echo ipsa Valeto:</i>	VALETO.
<i>Donec Nostra iterum, dicta nouabis:</i>	ABIS.





SPONSA CHRISTI  
BEATA ROSA

De Sancta Maria, Virgo Peruvana, Tertij  
Ordinis S. P. Dominici, Compen-  
dio Enarrata.

C A P V T I.

*B. Rosa Natales, Indoles, Educatio, votumque  
Virginittis.*

**R**OSA à Sancta Maria, Flos delibatus ter-  
rarum orbis nuper inuenti, patriam habuit  
Limam, Regiam Peruuia Urbem: Parentes  
Gasparem de Floribus, Mariam ab Oliua,  
stirpe, non item opibus, nobiles. Illam Mater anno  
Virginici partus 1586. die Aprilis vigesima, enixa est,  
felicissimo partu, solita ceteroqui in aliorum puerper-  
rijs mirè torqueri: & prodiuit Infans secundis pelli-  
culis inuoluta, veluti nascuntur Rosæ. Isabellæ no-  
men inditum illi fuit ab auia materna Isabella de Her-  
rera. Sed cum à matre, alijsque visa fuerit reparanda  
Rosa insidere vultum trimestris paruulæ in cunis quie-  
scentis, hoc aliud nomen à prodigio traxit, & Beatif-  
sima Virgo mystica Rosa, iussit illam annis adultam à  
S. Maria cognominari, adeoque prima forsan hæc fu-  
it, quæ non solum diuinitus nomen, vt alij, sed & co-  
gnomen acceperit. Eadem infanti Rosæ, quæ D. Ca-  
tharinæ Senensi, indoles quieta, suavis, lepida: nun-  
quam stridulis vagitibus turbauit ædes, plorauit nun-  
quam, nisi cum semel in alienam domum illata eiula-

*Compendium Viee*

tu poposcit maternas latebras, iam tùm sibi gratissimas. Prodigiosum specimen heroicæ tolerantia, trimula exhibuit, namque dextero pollice ab arca, dum properè clauditur, fortè correpto dolorem egregiè dissimulauit, & manum abscondit, matri eò properanti. Hilaris deinde, sensit acribus remedijs totum ferè vnguem absumi, & residuum lento, ac violento forfice radicitus auelli: attonito adhæc Ioanne Perez Chirurgo, qui tantillam Virginem gemere, aut expallescere nunquam vidit, tempore acerbissimæ curationis. Et præcisâ nouaculâ, vitiata pars auris, & caput, ob adhibitam improspere, ab imperita matre, noxiam medelam, bullis turgidum, ac fossulis profundè vlceratum, à quadrimula Beata Rosa gemitum nullum, aut molestiæ notam expressit, cum tamen acerrimus dolor, totum corpusculum identidem improuisa agitatione concuteret, & solidam noctem sub efferi cruciatus ardore voraci transegisset. Duos supra quadraginta dies, vt nouam cutem induceret Chirurgus, Virginem lancinavit: ac deinde sexenni ex intimo nare phaseolum tertio tractu demum exemit, obdurante in his tormentis Beata Rosa mira constantia. Hæc rudimenta spinarum, nostrum florem excoluere, vt gratissimum Sponso, in ipsa infantia, odorem exhiberet suavissimæ charitatis. Fortè puer virgunculæ frater, inter ludendum, luto illius comam imbuerat, quod cum B. Rosæ, non contemptum, at sordes auersatæ, accidisset ingratum, scito, inquit frater, concionatoris in morem, cultos puellarum cincinnos inferni rudentes esse, quibus illaqueantur incautæ animæ,

*Beata Rosa.*

3  
ut in gehennam aeternam detrahantur. Hæc verba Beata Rosæ animum altius penetrarunt, & ad altissimam Dei notitiam, vastissimæ illius menti, aditum aperuerunt. Igitur statim exarsit in illa mirus conatus orandi, adeo ut nec dormiens cessaret à frequentibus precibus, quibus perpetim inuigilabat : Et iam tùm raptè se apertissimè animaduertit, ad premenda heroïca vestigia S. Catharinæ Senensis, qua duce quinquennis B. Rosa lilium virginitatis Deo consecrauit sponcione solemni, & mox capillos, inscia matre, sibi abscidit, ad vitam vsque cutem. Diuinus hic ardor, puellam inuasit, sub ipsum vsus rationis diluculum, ut afferunt illius animæ moderatores, qui omnes testati deinde sunt, nunquam illam à recto tramite grauioris admissione criminis exerrasse.

C A P V T II.

*Beata ROSÆ erga parentes mira obedientia, pietas, sollicitudo.*

QVòd à parentum æquis imperijs non latum quidem vnguem deflexerit B. Rosa, sit ordinariæ virtutis ; erit tamen prodigiôsæ, quòd fuerit diuini, humanique obsequij retinentissima, cum pugnancia inter se Deus, ac genitrix, imperarent. Hæc filiam vexabat in dies, ut natiuam oris pulchritudinem, fucò magis intenderet ; at illam alto muliebris mundi contemptu, insultare seculi genio, docebat Deus. Capiti aliquando circumdare compulsà sertum vario florum genere contextum, illi ab ima parte suffixit ob-

longam acum, adeoque corollam capiti validè impressit, vt aliena manu contentis viribus fuerit extrahenda. Chirothecas, quæ delicati candoris elegantiam auerent, induit iubente Matre; sed primò dirigit, amburi dein manus experta, flammam etiam ex odoratis pellibus promicare vidit, totum nocte in-tempesta cubiculum illuminantes. Ne ad nobilium, foeminarum domos deduceretur, clam indico pipere, quod mordacissimum est, supercilia, & palpebras sibi oblinebat, vt arderent oculi, ruberent, stillarent, idcirco impares publicæ luci, ferendæ, potiorem ducens oculorum pupilla solitudinem, quam tanto pretio emptam genitrix illi tandem indulset, sicut & rudem ac decolorem saccum ex obuia, vilique materia, quam pro amictu induit, mirum in modum exultans. Vel ergo matrem infimis precibus exorabat, vt sibi liceret cruentis diuini Sponsi vestigijs insistere, vel mitia imperia ingeniosè eludebat: veluti cum iussa, non lignis, at lana farcire ceruical, lanæ vim tantam operosè stipauit, vt ligno caput videretur immitti. Quid quòd non Matri solùm sine cuius venia nec bibebat, nec muliebres labores aggrediebatur, sed & domestico mancipio alacris obtemperabat, præcipuè verò cum ardua imperabantur. Cum Mater non rarò subirata veniam libandæ aquæ B. Rosæ denegaret, inscicia, filiam nunquam bibere, nisi ipsa annuisset, in sex & plures dies Virgo fraudabat sitim. Hispidas aliquando pelliculas, quæ vim frigoris propulsarent, B. Rosæ manibus ex morbo contractis in cauta mater admouit, addito imperio, ne illas abijceret; tolerauit  
obsti-

*Beata Rosa.*

6

obstinato silentio B. Rosa plurimos dies mordacem  
pellium ardorem, quo accensæ manus turgidis vndi-  
que tuberculis vlceratae sunt. Quin & post mortem  
à religioso Cœnobij Præfide iussa B. Rosa imago ar-  
gentum diù multùmque frustra quæsitum mensæ su-  
perimponere, imposuit illic, animante mortuos co-  
lores obtemperandi studio. Quæ verò cetera illius in-  
parentes obseruantia, pietas, amor? exhausta viribus  
ad mediam vsque noctem laborem protrahebat, vt  
illorum egestati consuleret, & licet duodecim quoti-  
die horas diuinis alloquijs consecraret, tot muliebria  
pensa quotidie conficiebat, quot alia quæuis celerri-  
ma vix quatruiduo: idque tanta elegancia, & cura, vt  
humanam artem superare viderentur, quàmuis non  
rarò dum flores acu pingeret, animo à sensibus auoca-  
to. diuina intueretur. Ad hæc alebat in horto violas,  
ex quibus vænum expositis aliquod lucrum parenti-  
bus accederet: & Sponsum cœlestem aliunde miris,  
& arcanis modis supplere solitum, candidè confessa  
est religioso viro. At si fortè parentes ægri decum-  
berent, lecto assidebat insomnis, parabat pharmaca,  
peragebat omnia operosissima Virgo, vt solacium illis  
afferret. Hic præterire non debeo prodigiosam læti-  
tiam, quam ipsa moriens dolenti Matri, ac secum  
exanimandæ impetravit; tanta enim cœlestis dulce-  
dinis vbertas maternum pectus inundaui, vt iureiu-  
rando falsa sit, imparem se gaudio insolito perferen-  
do plurimos dies iucundissimè laborasse, & hoc argu-  
mento manifestè assequutam, quantopere fluminis  
impetus exhilarans ciuitatem Dei B. Rosam suam  
recrearet.

*Beata Rosa, ut sequatur vestigia S. Catharinae  
Senensis, Tertio S. P. Dominici Ordini,  
adscribitur.*

**Q**Vi sanctissimam Virginem Catharinam Senensem cum Beata Rosa nostra componat, incertus animi sit, indicumne hunc florem, an ex Italia translatum in Peruviam dicat; vsque adeò B. Rosa Catharinae institutum vitae, mores integerrimos, benevolentissimi Numinis dona, & ipsa tandem lineamenta vultus expressit. Connubii, cui nobili, & honestissimo destinabatur, spem amputare visa est excidio capillorum. Sed egregia formæ venustas, acre iudicium, suauitas erectæ indolis, elegatissimi mores, sancto Virginis consilio, aduersabantur. Roseum illa candorem ieiunijs deterere, natiuam pulcherrimi vultus gratiam omni arte abolere, manus, quarum candor, & pulchritudo commendabatur, viua calce ambulare, ne hominum placeret obtutibus, domi latere: ad eò vt aliquando Cantam deducta, locum metalli fodinis nobilem, quadriennio nunquam pedem extralimen extulerit, ne semel quidem videre dignata vicinum deliciarum hortum, aut per celebre spectaculum molium indicarum. Plures nihilominus inuita accendit ambitu honestissimi thalami, ac præcipuè Matriona genere, & opibus clara, illa vnico filio suo Sponsam optabat, & gratissimum hoc erat B. Rosæ parentibus, ac fratribus, qui nuptiarum nomine exanimatâ, probris, conuicijs, alapis, calcibus impetebant, veluti Lapa-

ter S. Catharinam, cuius ad initar B. Rosa iniurijs omnibus æquissimo animo deuoratis; in S. Dominici viridarium tandem infra fuit, adscripta Tercia sanctissimi Patris familiae, licet illam inuita sēr cœnobia nobilissima, optarat S. Archiepiscopus Turibus, ab illa præcipuè sacrae domus, quæ tunc surgebat, fundamenta ponã, B. Rosa studiosa sequi Seraphicæ Magistræ suæ Catharinæ Senensis Ideam, quam quinquennis elegerat, vitæ instituto, moribus, habitu representandam, non tamen suo consilio nimium tribuere, & parum sapietum virorum arbitrio videretur, in viam se aliquando dederat, Sanctissimæ Incarnationis Monasterium, ingressura. At cum vltimum vale diceret Rosariano Sacello Deiparæ, visa est vt rupes adnasci solo, & frustra in pedes exilire tentauit, aduocato sæpius ad opem ferendam, germano fratre, contentisque viribus conuiso; quoadusque decreto regressu ad domesticas latebras, alacritate mira, surrexit. Et alio prodigio Deus ad premenda Catharinæ vestigia B. Rosam inuitauit; nam ex Papilionibus, qui colorum varietate mirabiles Limanum agrum peruolitant, vnus nigro rantum, alboque colore pulcherrimè striatus, circumuolitaui B. Rosam, quæ diuinum hoc esse responsum intellexit, vt velut animo dudum agitauerat Prædicatorij Ordinis, tertium habitum amplecteretur. Ab illo semel induto, vix non dimouit B. Rosam modestissimi animi demissio; nam gliscente eius nominis celebritate, cæpit monstrari digitis, notari oculis, laudari à prætereuntibus, ipsique D. Catharinæ Senensi, non rarò comparari. Et merito; nam  
adeo

8  
*Compendium Vitæ*

adeò sanctæ Magistræ suæ virtutes induit, vt semel tacitè miranti Confessario, visa fuerit specie, vultu, lineamentis, sic transformata, vt viua similitudine ipsissimam S. Catharinæ Senensis effigiem referret. Demum, quæ tam carò illi steterat, vestem constanter retinuit; nam dum latendi studium illam seponendam suggerebat, ad aram Sanctissimi Rosarij flexis humi genibus, inter orandum placidissimo animi deliquio, sensim dirigit, visa ab adstantibus primò exalbescere pallore niueo, mox decora suffusione rubescere, demum toto vultu lucefcere, ac scintillatim radiare, suoque colori reddita, erumpentibus ex animo prægestiente verbis, ostendit, se in hoc vitæ instituto diuinitus confirmatam.

C A P V T IV.

*B. Rosæ mira animi submissio, virginis candor, benignitas, aliæque virtutes.*

**F**undamentum reliquarum virtutum, modestissimi animi submissio, tam altas in hac Virgine radices egit, vt suum vnice contemptum perpetuo studio quæsiuisse visa fuerit. Parum illi fuisset, domesticæ ancillæ officijs distineri, nisi & infra illam se demisset. Quamobrem sæpe Marianam agrestem seruam adigebat, vt se deiectam humi pedibus proculcaret. Exultabat iniurijs proscissa ob singularem vitæ rigorem, at suis laudibus vulnerata, spineam coronam, qua tempora clam obsederat, violento pugno capiti altius infigebat. A Regio Quæstore, qui supremis tribus B. Rosæ annis suam domum consecrari ambiuit,



uit, flexis poplitibus aquæ libandæ veniam impetra-  
 bat. Morbos celare consueta, ne medicæ sibi manus,  
 & delicata remedia adhiberentur, aliquando tamen  
 candidè fatebatur, quantis cruciatibus distabesceret,  
 vt crederetur ob immania crimina, à vindice Numi-  
 ne flagellari. Quin & mirari se, cur nondum terram  
 infelicem, quæ suis piaculis onerabatur, abyssò de-  
 merferit. Iltor Deus, sanctè affirmabat. Et enormi-  
 um quidem scelerum ream illam credidisses, cum  
 obruta lacrymis, & singultans procumbebat ad Sacer-  
 dorum pedes. Sed illa nunquam lethali crimine a-  
 misit haustam à sacro fonte diuinorum munerum v-  
 bertatem, & laborandum Confessarijs erat inuesti-  
 gantibus quid ad suum forum certò spectaret, nullum  
 enim ab illius ore verbum, excidit obstreperum,  
 criticum, nihil in eius moribus triste, nil austerum;  
 sed tota serena erat, & benigna, adeò vt negas-  
 ses Rosam esse, quæ spinis carebat. Cumque  
 integerrimo singulos amore complecteretur, à Dei  
 hominumque charitate animari videbatur. Nulla  
 rerum humanarum cura eius animum sollicitauit;  
 quin interrogata aliquando, num qua re præter diui-  
 nas delicias innocue caperetur, negauit se vllatenus  
 posse rebus perituris exhilarari. At virgineum illius  
 candorem nulla vnquam veniali macula afflatum fuis-  
 se, nec in toto vitæ cursu ne semel quidem illi in ani-  
 mum cogitationem obrepfisse, iurati asseruere vnde-  
 cim Religiosi viri, quotquot generalem Virginis con-  
 fessionem exceperunt. Postquàm egregiam formam  
 assiduis macerationibus, diuturna inedia, & aqua ge-  
 lida

lida toti corpori creberrimè superfusa, corruptit, magno haberi cœpit in pretio, vtque innocentissimum, penitentiaë simulacrum, ab omnibus indigitari. At illa blandientis famæ laudes horrescens, viuudum illi cò in genas colorem, vigorem in oculos, precibus reuocauit; adeò, vt cum domum rediret sub meridiem sextæ feriaë sanctioris hebdomadaë, roseo vultu, instar Auroræ subiuuida, & amœna, congerrones quidam iuuenes audacissimi in pratereuntem iocari sint, quasi reducem à conuiuio, & opiparè habitam. Illa verò quadraginta elapsos dies pane tantum, & aqua durauerat: & horas tunc triginta immota perstiterat in Templo S. Dominici precibus insistens, cibi que omnis expers, ac potus. Maius illi studium fuit premendi reliquas diuinas dotes, ideòque Deum à teneris annis flagitauerat, ne cui mortalium fineret innotescere, quæ suam intra animum operari dignaretur, cumque illius votis annuerit Sponsus diuinus, perpauca, & penè vulgaria crediderim, quæ vt maxima, & singularia, spirituales Virginis Patres, ab illa expiscari poterunt. Quid quòd superos habuit ministros modestiaë suæ, & cum aliquando, tēplum ingressam, consternasset subita recordatio, destituti, in patenti cubiculo, seuerioris ad domandum corpusculum, instrumenti, designauit animo locum, in quo illud suppressi à Cœli Regina exoptabat, vt domesticos lateret, & regressa, reperit famularem suæ demissioni præstitam operam, à superùm Imperatrice.

## CAPUT V.

*Beata ROSÆ mira Abstinentia, prodigiosa ieiunia: Eadem, tenerum corpus, cilicis, flagris, catenis, domat.*

**L**aboraret, opinor, historię fides, prodigiosa B. Rosæ ieiunia recensendo, nisi Lector admoneretur, compendium hoc, quo sanctissimæ Virginis vita delineatur, à remissiorali, vt dicunt, processu fide bona extractum fuisse. Beata Rosa profectò per D. Catharinæ Senensis vestigia mirabiliter ad summum ieiundiæ culmen euasit. Penè infans omni sibi fructuum esu interdixit, qui suauissimi in Peruvia nascuntur. Sexennis, tres hebdomadæ dies, nil præter panem & aquam, degustare cœpit. Anno verò ætatis decimo, qui nto se obstrinxit voto, nunquam delibandi carnē, nisi adigeretur illorum imperio, quibus non obtemperare, nefas fuisset; quod si aliquando fulminabatur, maximo stomachi supplicio, pœnas dabat virtutis eximix, & non rarò nauseantem, ardentissima febris inuasit: quoties verò iam lecto defixam delicatis edulij ad salutem reuocare tentarunt, in manifestum vitæ discrimen adduxere; cum è conuerso, panis frustulum aquæ infusum, præsentissimam illi sanitatem, sæpenumero redonauerit. Quod prodigiū nulli admirationem incutiat, nam Christus ipsam B. Rosam docuerat, velle se ab illa rigidis abstinentiæ exercitijs, constanter honorari. At Mater, nimiam in exanguis filix vultu maciem conspicata, hanc parsimoniam grande vocabat in crimen: Iussa proinde Beata Rosa

ta Rosa communi mensæ accumbere, ancillam rogavit, vt ex panis frustulo, & herbarum pugillo sibi pararet offam nullo sale conditam. Sed quas herbas sibi Virgo legebat, amarissimæ erant, & agresti saporis malignitate torquebant palatum. has illa è vicina sylva petitas alebat in horro studiosè, cuius sub sepibus vasculum abdiderat vervecino felle plenum, & hoc cibos aspergere, & os quotidie summo manè solita erat imbuere. Granadillæ, quo in flore mirabili perennant instrumenta cædis diuinæ, amarissimæ frondes dulcem illi, & quotidianū saporem elaborabant. Dubitari ergo meritò potest, duriusnè illi à talibus cibis, an ab ipsa inedia tormentum esset. Duplici se torquebat ieiuniorum genere, & quo semel tantum in die tenuem panis, & aquæ refectionem delibabat, & quo per totum diem, noctemque penitùs gustabat nihil. Primùm ferè quotidianum præsertim vltimis vitæ annis religiosius ab illa seruabatur septem continuos menses, à festo exaltatæ sanctæ Crucis ad vsque Dominicam Resurrectionis D. N. IESU Christi. At ineunte quadragesima omnem sibi subtrahebat panem, solis malorum aureorum seminibus parcissimè victitans, ijsque tantum quinque, dum sexta feria recurreret. Reliquo anni tempore, quod octo diebus absurnebat, vix vnica die tolerandæ vitæ sat esse credebatur. Vnico pane, illoque sat exiguo, & aquæ vasculo quinquaginta dies aliquando transegit, aliaque vice idem spatium decurrit ne guttula quidem aquæ recreata. Supremis annis trans mittebat complures dies sine omni prorsus alimento. Feria quinta se includens

eludens in domestico Oratorio, nec inde ad Sabbathum vsque digressa protraherat triduum omninò insomnis, impransâ, incanata, & vni angulo affixa omninò impos ab illo, vel ad momentum surgere. Quid quòd octo solidos dies nullum præter diuinam Eucharistiam alimentum admisit. Vulgare sit aquæ ipsius haustu gustum fraudasse, transactis hebdomadis quàm pluribus sine potu, & cæteroquæ hausta non aqua gelida, sed plerumque calenti. Prodigiousum est plus virium à ieiunijs accepisse, quàm à cibo, eò quòd cum sua Magistra Catharina vulnerati Christi lateris ambrosiam degustabat. Prodigio quoque simile est superfuisse in arido corpore locum, qui flagella exciperet, sanguinem qui verbera sequeretur. At nisi per Confessarios modus illi fuisset impositus, mortem nimium properasset ardor corporis castigandi. Postquàm sanctæ Catharinæ habitum induit non contrèta vulgaribus funiculis, duas sibi catenas ferreas aptauit in flagrum, quibus per noctes singulas ita se crucentabat, vt sanguinis riui parietes, & pauimentum aspergerent, præcipuè vt scelesti meliorem ad frugem reuocarentur, quot flagellorum fulcis, quot vibicum liuoribus se in dies exarabat, ita vulnera dispensans per diuersas corporis partes, vt dum vna coalesceret, altera feriretur, iterumquæ sæuiret in primam vix dum coalitam, ab hac alterna, crudaquæ vicissitudine dirisimè cruciata. Horrebant domestici ex ædium parte secreta plagarum strepitum audientes latè sonorum, quique B. Rosæ animum moderabatur temperari nimium rigorem iussit; sed illa infirmis ab eo precibus  
extor-

extorsit, vt liceret sibi intra aliquot paucos dies quinque mille ictus infligere: serijs ab infantia præludijs ostenderat, quàm avidè in hæc pœnitentiæ exercitamenta ferretur, nam quadriennis sub crudorum laterum, & grauis trunci pondere sæpè laborabat, & Marianam ancillam precibus adigebat, vt se in hortiangulo orantem, grauissimis ponderibus oneraret, sub quibus æstuabat, gemebat, & interdum victa premebatur ad solum. At, nondum quartumdecimum annum egressa, sæpè nocte concubia perambulabat hortum nudipes, oblongam crucem, liuidis humeris gestans, nec illi tunc auræ malignæ intemperies, non frigora, non ventorum turbines, insuaues erant. Iussa flagellis, non ferrea catena se cedere, ipsam catenam lumbis triplicato circumductu validissimè adstrinxit, & sera commissuræ angulis immissa, clauem eò proiecit, vnde redire non posset. Cum verò per extritâ pellem in carnis, & neruorum profunda, ferrum penetrasset, iamq; consepultum propemodum esset, nocte quadam acutissimus coxendicum dolor, Beatâ Rosam inuasit, à quo, vires identidem accipiente, mox Virgo interempta fuisset; namq; catenam vi nulla aperire poterat, diù multumque frustra luctata; sed illa confugit ad preces, quæ Cœlum ipsum aperiant. Et ecce sera, sponte dissilit, laxatur catena, diducitur; avulsione tamen opus fuit, quam cutis, & cruor sequebatur. Vbi primùm vulnera couerâr, suo se iterum tormento B. Rosa incinxit, sed catenam carni rursus adnatam, sibi transmitti Confessarius imperauit, & illius aliquot circuli post B. Rosæ obitum, conseruati,  
mira-

mirabilem spirarunt odorem, & omnibus peregrinū. Lacertis arctissima vincula circumdedit, quæ perpetim torquebāt musculos complicatos: pectus, axillas, latera, morsu creberrimo vexarunt minuti sentes, & vrticatum manipuli. At ciliciū nacta ex acutis equorum fetis densè contextum, infra genua productum, crassitie ferè implicabile, triumphauit sub illo rigoris paludamento, quod infixis vndique breuissimis acubus, in se violentius armavit, Hoc vsa complures annos, & ob frequentem sanguinis vomitum, alieno tandem imperio exuere coacta, saccum villis crassissimis grauem sibi in formam indusij aptauit, quo sub pondere æstuat, rigebat, lassabatur extenuata viribus Virgo, & pœna illi erat quicunque motus, plumbea subucula prægrauatæ. Plantis, in quibus tantum à vertice capitis erat sanitas, quoties domi clibanus accendebatur, calcabat immota fornacis orificium, vnde vehementior incendij vis erumpebat. Hisce delicijs demulcebat corpus, cui sat pœnarum afferebat crebra ægritudo, exoptans etiam tentare maiora, nisi vetuissent animæ moderatores. Quid quòd neque delicias spiritus in corpus exundare sinebat, cauens, ac totis viribus obstans, ne diuinis epulis animum saginantibus reficeretur; quod ego diuortium sublimibus B Rosæ operibus adnumerandū reor. Hoc vnum solita erat reponere culpantibus nimium in se rigorem, sinerent ipsam, quando nil boni operaretur, taltem mala, tolerare.

## CAPVT VI.

*B. ROSA capiti aculeatam coronam infigit :  
eiusdem lectulus, cernical, nocturnæ vigilia.*

**S**pineæ sepes B. Rosam decebat, quæ dies, & noctes  
Shærens inplexili senticeto, quod Christi verti-  
cem insedit, ingressu pueritiæ ex ductili stanno sibi  
coronam implicuit, additis clauiculis introrsus præ-  
acutis, & hoc diademate sibi caput incinxit non sine  
vulnere. Plures annos durauit sub hoc spineto, quod  
tamen præludium solum fuit seuerioris tormenti, im-  
minentis ex secunda corona aculeis nonaginta no-  
uem armata. Hanc, postremos decem annos ad finem  
vsque vitæ prodigiosa constantia tolerauit, neque  
enim sine spinea corona D. Catharinæ Senensis ha-  
bitum induisse sibi videbatur. Argenteam laminam  
flexit in circulum, illique tres introrsus infixit acu-  
leorum ordines, tam firmiter suo quosque loco in hæ-  
rentes, vt Aurifaber, adhibitis forcipibus, euellere nul-  
lum potuerit. Dentatum hoc sertum, quàm dire mo-  
mordit velatum puellæ caput, præsertim cum spinæ  
non omnes simul, sed aliæ post alias successione mole-  
stissima cutem inuaderent, vt potè ex varietate motu-  
um in singulis vulnerum angustijs obliquatæ. Sermo  
ipse, Virgini dolorificus erat: quid si tussi concucieba-  
tur pectus, si caput sternutamento exonerabatur? Sed  
hæc illi ludicra videbantur, ideoque vbi coronæ ex-  
trema coibant, vittas innexuit, quarum attractu dolo-  
rem indenderet, aculeos altius capiti infigens, neque  
vnquam eodem quo pridie steterat, loco figebat dia-  
dem



dema suum, vt immitius pungeret, inque intacto pœnam renovaret. Sexta verò feria, se profundius saucia-  
bat, ad inum vsque sinciput, & auricularum cartilagi-  
nes, coronam demittens. Diu Matrem, ac domesticos  
latuit efferum hoc tormenti genus, & artes quibus il-  
lud in se B. Rosa atrociùs irritabat. Sed cum aliquan-  
do se blandè interposuisset Patri, quærenti ad virgas  
puerulum filium, fortuito errore in illius caput patris  
manus incurrit, ac tres illico sanguinis riuos explicuit,  
ex quo coniecit Mater, qualis Erinaceus, sub candido  
eius velamine, nidularetur. Quoties tartareus hostis  
Virginem aggrediebatur, ter illa digito pulsabat coro-  
nam suam, quæ validiùs fronti impressa, certam ei  
victoriam assererat. At, post B. Rosæ interitum, à san-  
cto viro stauaiata corona, prodigiosum in illo diuini  
amoris incendium repente accendit, & odore suauissi-  
mo eundem perfudit. Vt autem spiniferrum, Sanctæ  
Catharinæ Senensis exemplar B. Rosa nostra secuta  
est, ita cum flores deessent, quibus de more virgi-  
neum demortuæ caput ornaretur, Catharinæ simu-  
lacrum suum illi diadema commodauit, in argumen-  
tum immortalis triumphi, quo excipi ab eadē Virgi-  
ne, & à pulcherrimo comitatu deduci ad solium di-  
uinitatis, manu præferens palmam, & à Deipara coro-  
na decorari visa est à nonnullis, probatissimæ sancti-  
tatis. Sed redeamus ad pœnas, quibus B. Rosa trium-  
phos sibi adornauit. Eam strati sui voluit esse duri-  
tiem, quæ somnum abigiret, non inuitaret, imò idem  
lectulus, & equuleus esset. Vix obrepserat matri sopor,  
cum Virgo remora culcitæ parte, cui incubue-

rat. in substratam tabullam descendebat. At capiei rude saxum supponere tandiù perstitit, quoadulque ab irata Matre, veniã extorsit suo sibi arbitrio lectum contabulandi. Truncus hic fuit vndique impositus, ac lapilli sub vili stragulo dispositi, vt ea inæqualitate laderent corpus, cui leues tabulæ in delicijs fore timebantur. Postea verò tria ligna tortuosa, indolata, nodosa, tabulis imposuit, ac tandem ligna omninò septem certis interuallis distinxit, ac tercentum præcutis regularum fragmentis inter capedines impleuit, quorum mucrones obuenterentur corpori, & in hoc prato, quiescebat B. Rosa. Ponè ad lectuli caput, amphoram appenderat felle plenam, quò antequàm ad somnum sese componeret, fauces recreabat in memoriam Sponsi, felle potati. Cervical primò fuit crassioris panni, volumen incommodum, crudus deinde later, mox lapis vndique scaber. At, à matre iussa puluinar adhibere, non illud lana, sed ingenti vi segmentorum infarsit: Lanam ingeri Mater præcepit, obtemperauit B. Rosa; sed lanæ vim tantam stupauit, vt ligneum cerui cal videretur, & sub parte, à qua facies decumbentis excipienda erat, tortiles iuncos oculuit. Quindecim ipsos annos, fugitiuum soporem, super horrible stratum, quòd vltimo loco delineauimus, B. Rosa carpsit, sensu doloris tam effero, vt ad illius cogitatum, cæteroqui generosissima tremere, æstualet, certa non inde se absque omnium membrorum gelido stupore, ac veluti ex ossifragio surrecturam. Exanimem aliquando confirmauit Christus visibili, blandaq; specie, duriolem fuisse dicens Caluaris

uariæ lectulum, in quo pro illa cœperat mortis somnum. Tandem qui præerant Virginis animæ, mitius illam ad soporem componi, pro imperio adegerunt, abiectis saltem fragmentis regularum. Vltimis vitæ annis plerumque in humili sella collecto corpusculo noctem transegit, ex nocturnis frigoribus tremens, ac rigens. Et hoc nouercae corporis odium, illam edocuit, vt nec vnquam vigil puluino insideret, sed vel stans perageret labores suos, vel palo pro sellula vteretur. Sed nec morti vicinam destituit hic ardor, durissimè cubandi. Equuleum suum frustra quæsiuit in nudo pauimento deponi, non impetrauit; ac saltem lecticæ tabulis occipite, humerisque acclinis in duro ligno voluit qualitercunque commori Sponso Crucifixo. Nec defuerunt, qui in morientis pallido vultu notarint ipsam Christi in Cruce expirantis effigiem, quod aliàs, in Sancta Catharina Senensi, animaduersum fuit. Quantum verò vigiliis dabat, cui lectus ipse soporem adimebat! Horas illa duas, neq; semper integras, somno indulsit, reliquum tempus ita distribuens, vt ex diurno, nocturnoque, duodecim, quotidie horas orationi seponeret, alias impenderet fœmineis laboribus, quibus parentes alebat, cumque inedia, cilicij, lectiq; carduetum, calidæ potus, profunda meditatio diuinorum, vigilandi facilitatem ei comparassent; versutus tamen hostis illam reuocare nitebatur ad somnum. At B. Rosa, vel ceruicem illidebat parieti, vel sibi tundeat latera, vel prominentibus ex lignæ crucis brachiis fortibus clavis manus applicabat, & pendulum corpusculum librabat

in aere, vel oblongo, quem in cellulæ pariete clauum fixerat, modicum capillitium, residuum in fronte ad obtegendam spineam coronam, impletebat arctissimè, & pendula, vix summis aliquando pedum digitis terræ insilens, clavis in soporem pugnabat, de quo non satis adhibitis in lecto tribulis triumphauerat.

## C A P V T VII.

*B. Ros æ domestica solitudo, fuga publici, cellula perangusta.*

**A** Prima infantia, solitarios angulos domi quærebat, procul à ludis puerilibus, vt vni vacaret Deo Crescente verò cum annis studio latendi, in horto sub vmbrosis platanis flexili ramorum, palmitem, ac virgultorum circumductu, modicum inclusit spatium, in quo ad humile altariolum, totas hærebat dies, adeo vt domi abiuerit in prouerbum, hortum adeas si B. Rosam quæris. At grandior impetrauit à Matre aliud intra ædes cubiculum, in quo teorsim ab omnibus pernoctaret. Molestissimum illi erat in publico apparere, & nunc prece, nunc lacrymis ambiebat Matrem, vt optatissimam sibi solitudinem indulgeret. Aliquando ad obeunda vrbanaum salutarium officia euocata, iuxta domesticum furnum transiens, à clibani orificio saxum studiosè sibi attraxit, in pedem, vt eo vulnere claudicans, domi sineretur. Eo præcipuè nomine frequentiam oderat, quòd suavis odor virtutum suarum commendauerat illam apud omnes, velut illustri sœminam sanctitatis. Igitur aspirante Numine speculata est viam, qua se ab impedimen-

dimentis viriliter explicaret. Coronam precariam ex corallijs, quam habebat in paupere thesauro, curavit Deiparæ Virginis collo circumdari, cui à Rosario nomen. & cultus est, vt hoc vinculo suauiter captiuata Regina sua, B. Rosæ Matrem pertraheret. quò filiz erat in votis. Post aliquot dies, visa est corona à Virginis collo soluta, pendere de manu paruuli lxxv, attento ad hæc Sacrista, qui profitebatur, à nullo mortalium in digitos filioi fuisse translata. At B. Rosa tacita interpres diuini consilij exultabat, intelligens, desponsam sibi à sua Diua, quam gratiam optabat, & filium pro Matre fide iubentem, sponsionis vinculum in se transfuisse: ideoque voti secura flagitauit à Matre cellulam perangustam, in qua sine permisso illius, qui suæ animæ præerat, nullius conspectum admitteret, aut alloquium: Intra paucos dies perfectum stetit arctissimum in horto tuguriolum, quinque pedes porrectum in longum, quatuor in latum; vt vt angustum, sibi tamen, dicebat B. Rosa, sponsoque cælesti, sufficiens. Huic postquam sese inclusit, cuidam probatæ sanctitatis sceminæ in raptu visa est, sub specie lucidissimæ stellæ, cuius radios opaca parietum angustia cohibere non poterat. Hic perpetuos hærebat dies, per varia pietatis exercitia dispensans horas, ignara propemodum, in corpore ne degeret, an extra corpus. Cumque à nonnullis interrogaretur, cur non inde quotidie prodiret, vt Missæ sacrificio adesset, candidissimè respondit. domesticis curis distineri aliquando Matrem, sine qua, domo prodire non poterat: sibi tamen à diuino Sponso consultum, vt in cæta re-

fidens complures quotidie missas videret, audiretque. Compertum deinde est, diuinitus Virgini datum fuisse, vt spiritu, non secus ac si corpore præsens adfuisset, interesset omnibus sacris, quotquot in vicinis templis, offerebantur. Prodigiosum porrò fuit obsequium à culicibus exhibitum solitariæ B. Rosæ: Innumera illorum agmina soli humiditas, & arborum frequentia, aut gignebat, aut pertrahebat in Virginis cellam, amicum suo generi vmbra culum, præcipuè vbi sub meridiem radij solis ardentes, aut sub vesperum serenæ noctis algores tenuissimis corpusculis imminebant: nec tamen in tot culicum legionibus, quibus scatebant vndique parietes, personabat ostium, fenestra implebatur, vel vnicus fuit, qui B. Rosam vniquam attingeret, cum è contra Matrè, aliasq; religiosas sœminas ex permissu B. Rosam inuisentes, hostiliter inuaderet, exercitus molestissimus. Nequè tantum hospitæ suæ parcebant, sed ad illius imperium in omnia sese flectebant obsequia culices ingeniosi. Vbi primum Virgo referabat Cellulæ portam: Eia, dicebat, amici, laudes celebremus omnipotentis Dei; at illi concentu lenissimo sparsi in gyros, arguta miscabant murmura, phalange tam ordinata, ac in se flexibus aprissimis redeunte, vt chorum credidisses, cui ratio dux præsideret. Cumque noctu repeterent hospiralem domum, rursus orantem B. Rosam gestiebat æmulari volatilis harmonia, & cum illa deinde, sub lege nocturni silentij, conticescere. Accidit aliquando, vt Catharina de Sancta Maria Tertij Ordinis Sancti Dominici, in Eremito domestica B. Rosam inuiseret: hęc

hæc à culicibus sauciata, vnum, quem sanguine turgidum vidit; occidit. At B. Rosa, miranti similis, cur hospites, inquit, meos trucas, nec tantillum animal tuo palcis sanguine, dum eius conditor suo nos toties recreavit? sed in posterum tecum illi, vt mecum pacem colent. Huic augurio fides stetit, namque illi, alijsque pepercit in posterum, culicum exercitus, ad actus admirando, B. Rosæ imperio. Franciscam verò de Montoia Tertiariam iudem Sancti Dominici alumnam à tribus tamen culicibus appeti in Sanctissimæ Trinitatis honorem, blandè permisit. Ultimo vitæ suæ triennio in Gundisalui de la Massa Quastoris regij domo, parem fermè solitudinem sibi Virgo statuit, iussa à parentibus obtemperare viro religiosissimo, qui suas ædes Beatæ Rosæ hospitio ambiuerat consecrari: hic, totas cum diebus noctes in domestico latebat Oratorio, vel in vltimo ædium cubiculo, identidem regressa ad hortensem Eremum, perpetuo studio sequuta solitudinem, cuius amore tanto perè tenebatur, Magistra sua Catharina Senensis.

### C A P V T V I I I.

*B. Rosæ cum Christo mira desponsatio, Pronuba Augustissima Imperatrice Angelorum.*

**D**idicerat quidem B. Rosa, Seraphicam Magistrâ suam Christo desponsam, sed vix audebat exoptare locum inter sponsæ comites adolescentulas. Interea tamen cædorem Angelicum, & profundissimam dehiscentiis animi submissionem adornabat, dorem scili-

scilicet, sponsi diuini amores rapientem. Prodigijs ad Mysterium præparata, & ad consensum erecta fuit, modestissima Virgo, nam priuò, bicolor ille Papilio, de quo verba superius fecimus, aliquandiu per finistrum Virginis latus cum oberrasset, constitit è regione cordis, ibique depictam reliquit imaginem cordis, in vestæ B. Rosæ pulcherimè delineatam, perinde ac si; *Præbe mihi cor tuum*, Sponsus diuinus clamaret, & B. Rosam insigniret eodem emblemate permutati, cum illa cordis, vt olim cum S. Catharina. Nocte quadam speciosus forma præ filijs hominũ, videndum se B. Rosæ præbuit, & candidissimum illius amorẽ, se quærere professus, innumeras Virgines splendido amictu nobiles ostendit, quæ cadendis marmoribus distinebantur, ad illarum consortium B. Rosam inuitans, inter sponsas suas, arduis virtutis operibus insudantes, adnumerandam. At B. Rosa, veste gemmis, auroque distincta, se repenti inclaruisse vidit, & ad cœlestem sortem elatam. Sed festinat historia ad manifestum munus, quo Christus vigilem B. Rosam ad connubialem thalamum inuitauit. Dies aderat consecrata triumpho diuini Regis Hierosolymam ingressi, cumque palmæ distribuerentur in Templo, sola B. Rosa, præterita fuit à Sacrista properante, siue id casu contigerit, siue Numinis consilio singulari, vt Virgo nouitate confusa timeret, ne obliquo forsitan animi morui, inscia succubuisset. Ad Deiparæ sacellum confugit & genibus innixa, per vndantes lacrymas saucium cor suum effudit. Cum ecce Virginem videt sibi sereno, mitique vultu, adblandientem, mox

in Fi.



in Filium conuersam, & inde veluti fausto oraculo excepto, in se rursus intentam. B. Rosa ignoto percussa gaudio, Puerum intueretur, qui pariter illi suavissimè arridebat, & postquam aliquamdiù miro sensu voluptatis, suam Spōsam persudit, in hæc apertè verba prorupit: *Rosa cordis mei, tu mihi sponsa esto.* At illa mirum in modum exultans, ac in sui nihili abyssum dehiscens, ancillam se dixit, paratam sui Regis ad nutus. Et Virgo Mater: vide, inquit, ô Rosa, eximium fauorem, quo te filius meus dignatus est. Exinde quibus gratiæ thesauris suam Sponsam ditauit Amor diuinus! Illa quidem sapienti viro, qui eius spiritus explorandi partes susceperat, pressius interrogata, dixit, verba sibi deesse, quibus munera liberalissimi Numinis, in se immeritam, collata explicaret. Vt autem perpetuò sibi versaretur ante oculos tantæ gratiæ monumentum, annulum poposcit à germano fratre suo, qui mysterij omnino incertus, perinde tamen ac si nuptiis interfuisset, eadem verba: *Rosa cordis mei, tu mihi sponsa esto*: annuli convexo iussit inscribi. Hoc B. Rosa sui amoris pignus in arca, in qua seruatur diuinum Corpus, feria quinta sanctioris hebdomadæ, à Sacrista claudi impetrauit. At Pascharis die, sponte, ac secretò rediit ad B. Rosam, non sine nouo prodigio; namque propè illam innixa Mater, & ad omnia intentissima, nihil animaduerrit. Post Virginis obitum, vir sanctitatis fama conspicuus, manu tenens annulum B. Rosæ, in mortaliū omnium rerum exilium raptus, & miro voluptatis diuinæ sensu colliquescens, B. Rosam vidit

in excelso gloriæ fastigio inter præcipuos Cæli Ciues prope solium diuinitatis, ac diu loco moueri, & pro- tendere rigentem manum non potuit. Quod si hæc in aliena manu prodigia peperit nuptialis annulus Be- atæ Rosæ, quid ipsæ nuptiæ in anima Sponsæ præsti- tisse putes?

### C A P V T I X.

*Beata ROSA. perpetuo Orationis studio, mirans  
assequitur, cum Deo unionem.*

**A**Dhuc infantem diuinus spiritus orare docuerat, eoque igne succenderat, quem nec ipsa nocturna somnia consopirent. Audita ergo per noctem sæpissimè est numeratò reddere preces, quibus per diem inuigilauerat. Crescente verò cum ætate Religione, duodecimo anno iam vnitiua, quam dicunt, Oratio- nis via Deo adhærebat. Porro duplex illi erat allo- quendi Numinis ratio, tum enim soluto curis omnib9 animo, quietissimè se colligebat ad loquendum cum Deo: tum inter manuum labores, & extima opificia, mentem nihilominùs affigebat diuinitati. Priori, vt suprà inuimus, duodecim quouis naturali die horas seposuerat; posterior illi perpetuus erat, nisi quando per horam horribilibus, vt mox dicemus, imaginib9 torquebatur; adeò, vt siue dormiret B. Rosa, siue vi- gilaret, dum neret, texeret, sericos acu pingeret flo- res, alios alloqueretur, comederet, legeret, in horto, in platea, vbique locorum, ac gentium, perpetuò ob- versaretur animæ oculis suis amor Deus. Quodque omnem admirationè supergreditur, diuina hæc præ- sentia

sentia ita B. Rosæ internas potentias occupabat, ut illam ab extremis sensibus non adeo detorqueret. Quocirca respondebat appositè ad omnia, prosequabatur institutum opus, ac domi satagens circa frequens ministerium, in remoto cordis thalamo, cum Sponso deliciabatur: At inter orandum, omninò torpebant illius sensus ad objecta, quæ ad se minimè pertinerent. Hinc in Templo defixis in aram oculis, nec prætereuntes videbat, imò nec si aliquid in pupillas incurreret, attrahebat niçtu supercilia; sed veluti rupes, immobilis, quo loco, situque ad orandum se composuerat, eodem post horas, post diem integram, post solidum cum die binoctium, inuariata perstabat. Virginitatis verò vitæ annis, à manè feriæ quintæ ad Sabbathum usque, nonnunquam & ad Dominicam diem in domestico Oratorio perseverabat, omninò impedita de pavimento surgere. Tres præcipuè in singulos dies horas diuina beneficia relegebat: assueuerat etiam altissimo generi orandi, quo DEI attributa centum quinquaginta mente peruoluens, singulis proprium latriæ cultum exhibebat: & hanc precationis formam terrori esse Dæmonibus asserebat, cui dum insisteret tota ipsa mouebatur systole cordis, atque diastole. Familiæ sermones, quibus alios alloquebatur, plerumque sagittæ erant, quibus ferebatur in DEVM: veluti hortum commendatura: Venustus est, dicebat, ac pulcher, DEVS illi flores adaugeat. Illam omnia inuitabant ad DEVM, & aliquando ægram, & viles cibos, quibus se reficeret, adornantem, canens auicula in extasim abripuit, mortalium omnium oblitam,

litam, ad vesperam usque; ab hora ante meridiem ter-  
 tia diuino amore vehementius aestuantē. Quid quod  
 plantas ipsas, mutosque stipites ad laudem, & ado-  
 rationem Deo exhibendam B. Rosa mirabiliter in-  
 clinabat. Rem affero inauditam. Summo manē cum  
 ad cellam suam reditura pandebat horti ianuam, emi-  
 nus conspectas arbores, virgultas, herbas, inuitabat,  
 vt secum benedicerent auctori suo. Et ecce moueri  
 subito ramos, collidi frondibus frondes, plaudere fo-  
 liorum susurros, flores ipsos, ac frutices animari in-  
 musici murmuris harmoniā: altissimas arbores sum-  
 mo cacumine verrere solum profundæ adorationis ri-  
 tu solemnī. Neque hoc B. Rosæ prodigium peregrī-  
 num, ac rarum, sed frequentia diuturna, conspicuum.  
 Et cœli volucres allexit in alternam adorandi Numi-  
 nis societatem. Anno, qui B. Rosæ vltimus fuit, per  
 quadraginta solennis jejuniij dies, sole occiduo aduo-  
 labat prope illius cubiculum auis mirē vocalis; quam  
 Virgo cantu prouocabat ad laudes diuinas emodu-  
 landas. Illicō auicula inchoabat argutam harmoniā,  
 & sensum vocalior assurgens, tum Virgini cedebat vi-  
 cem, quæ voce tinnula, suauissimaq; & ingenio pro-  
 digiosē fecundo hymnos institutos proferebatur,  
 perq; integrū labentis horæ spatiū, alternabant cantū  
 ea lege, vt concinente B. Rosa, volucris attentissima  
 nec pipiret: vixque dato signo sextæ post meridiem  
 horæ perfuncta officio, auolabat, postridie reditura.  
 Alios porrò ad studium orationis accendere omni co-  
 natu satagit, precipuè domesticos, & pios libros,  
 quotquot de hoc argumento, verba faciunt, & legebat  
 ipsa

ipla  
 suac  
 nes  
 tur  
 & a  
 tion  
 Dei  
 per  
 hoc  
 cult

De  
 a

C  
 rum  
 que  
 rit.  
 gan  
 null  
 nar  
 ris,  
 nec  
 vel  
 de  
 bat

ipsa auidissimè, & legendos alijs mira eloquentia persuadebat. Religiosos verò viros, qui sacras confessiones excipiebant, ac Dei Verbi Præcones, obtestabatur enixè, vt ad orationem mentalem, omni suadela, & arte mortales inducerent, vt vñum piarum meditationum populariter inueherent, vt ad frequentandas Dei laudes, præcipuè Rotarium magnæ Virginis percurrendum, omnes inflamarent: & mirum quântum hoc, exemplum, & ardens hortatio B. Rosæ, diuinum cultum amplificarit.

## C A P P V T X.

*Desolatorijs Visionibus exercetur, ac horrendas alterius vitæ pœnas degustat. Doctorum examen subit, & ab illis mirum in modum probatur.*

**C**V M ad altissimum gradum, perpetuæ vnionis cum Deo, B. Rosæ ascendisset; atrocitas tenebrarum intervalla, pati cœpit in dies, quæ solidis plerumque horis, eò miseram deprimebant, vt sæpe nescuerit, in tartaronè esset, an in duro carcere ignis purgantis: adeò nulla suauissimi Numinis recordatio, nullum solatij vestigium aderat menti. Accedebat pœnarum in cumulum, memoria nebulosa præteriti amoris, quo Deo adhæserat aliquando, at nunc eundem nec nosse, nec diligere se posse arbitrabatur, imò veluti peregrinum, alienum, extraneum, vixque de fama notum eminens, & raptim suspiciebat: videbatur muro adamantino obstructum effugium, vt nusquam

nusquam pateret huius labyrinthi exitus; quare vix-  
erat, quo ab æterna pœna damni, suam in felicitatem,  
Virgo secerneret. Triste solatium venabatur à spe pro-  
ximi interitus, at tunc animæ immortalitas, importu-  
nè occurrebat, quæ illam æterno terrore, miserè laci-  
nabat. Per ipsos quindecim cōtinuos annos, quotidie  
semel, in hanc desolationis caliginem demergebatur  
integra vt minimum hora: iterum tabescebat in-  
malis, & Rosâ, tota iam spinea semetipsam laucia-  
bat. Demum, ea fuit horribilium figurarum acerbi-  
tas, vt Virgo tamen ad quiduis ferendum impauida,  
vnicum hunc amarissimum calicem, à se transferri e-  
nixè petierit, nam durius illi erat, ab amore Domini  
desinere, quàm interire; cùm enim quod corpori est  
anima, hoc sit amanti animæ DEVS, deerat illi quo-  
tidie, abeunte DEO, vita nobilior. Vix tandem re-  
perti Theologi, qui de hoc prodigioso mentis angore  
quidpiam certi præsumerent definire. Fuère, qui  
deliria, aut insomnia, qui lemurum spectra, vel dæ-  
monum præstigias, qui fumantis atræ bilis paroxif-  
mos, interpretarentur. At illa, omnia modestissimè  
deuorabat, incusans inopiã ingenioli sui, quòd imple-  
xos animi motus, explicare non posset. Nitebatur  
subinde similitudinibus adumbrare dolores suos; at  
si ignis nostri cruciatui conferrentur, ridendam esse  
comparationem dicebat. Se longè à Deo sitam in  
Regione dissimilitudinis, obrutam, pusillanimitate  
spiritus, & tempestate, de qua loquitur Dauid, Ana-  
thema sibi videri à Christo, veluti S. Paulus optabat:  
cum demum ab horridis illis imaginibus sibi dolo-

rem in-

rem inferri, qui millies vitam, animamque sibi rapuisset, nisi prodigiosè à Deo cõseruata fuisset. Creditur sancta Catharina Senensis, aliquando idem perpeffa. De Beato certè Henrico Sufone id compertũ, tradit historia. Sæpè illi erat ante oculos Christus, Iudex vultu asper, & horrendo tonitru intonans illud: *Ite maledicti*. At, compulsa aliquando fateri, num post tenebrosam ecclipsim, Sponsus illustraret animum suum? ingenuè fassa est, illico totam simul animam collucescere, & inflammari, & in finum diuinitatis iterum volare; totam se transformari in Dilectum suum, immobiliter in Deo radicatã sibi videri, & illius gratia solidatam, adeo, vt certò sciret, quòd nihil vnquã se, à Christi charitate separaret. Quamuis autem arcanum gratiæ lumen, certitudinem illi indidisset, rectam semitam esse, per quam ibat, tamen modestissima Virgo non præsumpsit recusare serium, perque interualla repetitum examen vocationis, ac spiritus sui. Præter illos, qui Sacris illi erant à confessionibus, intimas eius animæ latebras peruestigarunt, alij sapientiã, & religionẽ singulares, tum è sacra Sancti Dominici familia, tum è Societ: I E S V, tum Doctor Ioannes de Castillo, sanctitate nobilis, Vir sæcularis. Ibi post diurnam, & sæpius iteratam quæstionem, hæc præcipuè compererunt. A Regina puerita, B. Rosam cœlestes stimulos, & tranquillum orandi spiritum concepisse, adeò, vt nihil illi dulcius esset, quàm loqui cum Deo, ac Diuinis inhiare. Ad duodecimum vsque annum ætatis, se vario inter orandum tenore, subinde cum imbecillitate corpusculi, cum

li. cum somno, & mentis euagationibus luctatam fu-  
 iſſe, plerùmque tamen animo libero, & quieto perre-  
 xiſſe in Deum, & ab illo tempore expertam, ita ſe di-  
 uinæ pulchritudini affigi, vt neque, ſi ſponte conare-  
 tur, aliò mentem detorquere poſſet, neque phantaſ-  
 matum intercurſu, nec occupationibus ſenſuum ex-  
 ternorum, diuelli à complexu dulciſſimi Numinis;  
 radiare in animæ ſuæ penetralibus præſentiam propi-  
 tiæ diuinitatis, & hac deprehenſa, nulla ſe poſſe alia  
 re oblectari. Interrogata, num quos de myſtica The-  
 oria legiſſet libros? negauit inops Virgo, imò ne no-  
 men quidem, ſi quod proprium eſſet huius intuitiuæ  
 orationis, ſibi innotuiſſe. Quæſitum ab illa eſt, quan-  
 to ſudore pugnauerit in prauas animi inclinationes;  
 at illa, vix ſe meminiſſe talium certaminum, respon-  
 dit, & ab infantia, propenſione quadam innata, com-  
 plexam eſſe virtutem. Si quis autem indeliberatus  
 motus, nixus fuiſſet aſſurgere, repente ex apprehen-  
 ſione diuinæ præſentia, citra conſictum, euanuiſſe.  
 Num quid ſolatiij caperet ex rebus creatis, quando a-  
 nimum contemplandi labore feſſum nonnihil remit-  
 teret, interrogata, negauit, ſe poſſe rebus perituris  
 exhilarari; & ſi ad momentum conſpectum perderet  
 amantiſ Dei, id ſibi videri atrocius quauis gehenna:  
 horrendas porrò imagines, pauoreſque, quibus illam  
 diximus agitaram, ſtatuertunt quæſitores fuiſſe expe-  
 rimenta pœnarum, quibus in purgatorij carcere, tor-  
 quentur animæ. Quando verò nulla ſpes euadendi  
 illi aſſulgebat, quodam æternitatis fumo, & horroris  
 inferni caliginè obtenebratam fuiſſe; ne virguncula  
 tam pro-



tam prodigiosis ditata muneribus aliquando superbi-  
ret, utque illius amor hoc igne purgatus vehementius  
inclaresceret. At, adacta pro imperio aperire, quali-  
ter sibi post illas inferni tenebras esset, suffusa rubo-  
re, quem metus, ac pudor accenderat, dixit humili &  
intercisa voce: plerumque post illas tenebras ostendi  
sibi humanitatem Christi, nunc virili, nunc infan-  
tili facie, sapius & Virginē Matrem, & hanc diutius  
obtutui suo indulgeri: hinc robustum gaudium su-  
per omne gaudium, hinc experimentum cognationis  
diuinæ, hinc vitam, & alacritatem omnium affectuū  
oriri. Deniq; post omnia sagacissimè explorata; hæc  
omnium quæditorum sententia fuit: Tutissimam esse  
viam, qua Virgo ambulabat, nullam hinc subesse va-  
ferrimi Dæmonis imposturam. Aliqui Theologi  
præstantissimi auditis, quæ de Augustissimo Trinita-  
tis Mysterio, de hypostatica Verbi Diuini vnione,  
de libro vitæ, ac prædestinationis, de natura Gratia,  
alijsque Fidei secretis, arcana promebat B. Rosa, ne-  
que par acumen illius fœminæ ingenio, neque vllam  
mentem liberaliùs à Patre luminum illustratam se co-  
gnouisse professi sunt, & manifestè patuisse altio-  
rem spiritum, qui in Virgine loquebatur. Præcipuè verò  
cœpit omnes admiratio, quòd ab infantia ad gradum  
vnituum ascenderit absque eo, quòd purgatiuum vix  
attigisset; quòdque in horrendo illo tenebrarum tor-  
mento, quasi certauerit cum Deo, tristiùsne ille affli-  
geret, an illa vellet affligi; adeoque non solum fe-  
rendo fuerit, sed & quotidie triumphauerit. Sanè a-  
pud omnes quotquot Limæ tunc aderant, & aderant

multi consummatæ virtutis fama celebres, inualuerat constantissima opinio, B. Rosam spiritu Dei agere, & agi, & sapientia cœlitus infusa gubernari. Quædam sanctitatis nomine celebris Fœmina sicubi cum ea concurrisset, flexis humi genibus repugnantem excipiebat, & eodem corporis habitu ad eam litteras dabat, at ubi B. Rosa vestigium fixerat, gestiebat os & oculos applicare.

### C A P V T X I.

*Beata Rosa cum Christo, Deiparâ, & S. Catharina Senensi familiariter, iucundè, assiduè deliciatur, domestica tutelaris Angeli consuetudine fruitur, variè luctatur cum Dæmone, semper victrix.*

**N**ON solùm post internas animi nubes, Diuini solis manifestus vultus B. Rosam exhilarabat, sed aliàs quàm sapissimè videndum se præbebat amantissimæ Virgini: dum sacros Beata Rosa libros percurreret, paruus Amor vix digiti statura procerior, obambulabat paginas passu leuissimo, & interim sereno, suauique obrutu Sponsæ suæ blandiebatur: dum telas confueret, laborantis pulvillo quietissimè insidebat, arridebat ridenti, breues protendebat vlnas, velut offerens amplexum; omni que gestu, ac motu protestabatur amorem suum. Has verò delicias frequentes B. Rosæ obtigisse, imò ferè quotidie argumento est, quòd si ille tardabat, Sponsa querulis vocibus lamentabatur, utque amor Poësin doceret, suas  
 quere-

querelas familiari metro illigabat. Ex gutturis dolore, aliquando laborantem, Sponsus inuitavit ad ludū, & victrix B. Rosa suos mitigari dolores poposcit, & impetrauit. Divinus verò collusor, iacturam non ferens, ludum instauravit, & cum illi prosperè alea cessisset, & victoriæ præmium quæsiuit, augeri tolerantiam Beatæ Rosæ, ideòque primos illius dolores geminavit. Hoc dñm blandè, modestèq; narrat Matri, ne illa ob suam ægrimoniam contabescat, visa est aliquamdiù vultu Angelico radiare. Alias cùm in hortensi cella, nocte concubia viribus destituta, somento indigeret, sui lateris ambrosiam delibandam, cordi Virginis Christus obtulit, vti quondam Catharinæ Senensi, cuius proinde Virginis, non alumna solùm fuit, sed etiam Collocæta. In illustri Fœminæ domo, post sancta colloquia, de more secessit ad orandū, & septennis puella, iuxta B. Rosam vidit Puerum. IESVM multicolori amictu indutum, & radijs coruscantem. At in alijs ædibus Isabellæ Mexiæ, visus est divinus Infans, consortis cum illa manibus in porticu obambulans, miscere secreta colloquia, hæere in Sponsæ vultu, tanquam rerum omnium oblitus, & quacumque fixisset pedem, improvise lumine fulgebat pavementum. Quid quòd mutui amoris adeò sollicitus erat Sponsus divinus, vt ne florem quidem in consortium venire pateretur. Invenit aliquando Beata Rosa eradicatos flores, quos in horto studiosius amabat, & ob id dolenti Christus occurrit, ac dixit: An non ego flos campi, melior quouis Paradisi floreto? Flos es, ac flores amas! Mihi tuos amores in-

dulgs. Ego illos eradicaui, ac proieci. An non hæc fidem faciunt visioni fœminæ cuiusdam religiosissimæ, cui protestatus est Christus, à se B. Rosam gestari in penetralibus cordis, seque vicissim in eius virgineo pectore tranquillissimè habitare. At Cœli Regina, quàm frequenti alloquio, aspectuque B. Rosam dignaretur, vel ex hoc intelligi potest, vt paucis multa complectar, quòd cubiculariæ officia illi exhiberet, manè Virginem à somno excitando. Illam à multo tempore destituerat necessarius somnus, cui conciliando moderatores animæ præcepere vespertinum lactucæ, ac soporiferorum seminum vsum; sed cum vix hæc inducerent quietem, dum instabat hora surgendi, cruciabatur B. Rosa, quòd ad præscriptam horam, evigilare non posset. Ergo Deiparam stellâ matutinam vocavit in vota, quæ cum immineret hora surgendi, aderat conspicua, & voce nectarea dormientem compellabat his vocibus: *Surge ad orationem, filia, surge nam instat hora.* Cùm aliquando B. Rosa in lectulo confedisset, sed prægrauante somni pondere in cervical esset relapsa, rediit Augustissima Excitatrix, niueaque manu pulsavit dormientis latus, *Surge, dicens, filiola, ne pigriteris.* Alia vice B. Rosa abeuntē vidit à tergo Deiparam suspensis vestigijs, cuius alias materno vultu, solita erat impleri; illam cominus intuita, vti fassa est, deque facie ad faciem. Ex quo semel à Christo data illi fuit Magistra D. Catharina Senensis, mutua harum Virginum colloquia tam amica, crebra, fuerunt, vt veluti in Moyli vultum post diuinum consortium, se ex vultu

Catharinæ, in B. Rosæ facie, lumina transuerint, quæ hanc illi per oris lineamenta propemodû assimilarint. Hinc apud omnes B. Rosa altera Catharina Senensis dicebatur, præcipuè ab obitu, cum illius facies in feretro videnda omnibus paruit. Cum tutelari Angelo, domestica illi necessitudo intercessit, illum legabat ad sponsum, si fortè hic, hora consûeta, non adfuisset. Nocte quadam in Eremito sua, sensit vires ex improviso languere, ideo rediit ad Matrem, quæ instantis deliquij signa notans in filiæ vultu, iussit ancillæ, adire subito vicinum propalam, & emere libum indicum, quod Chocolatam vocant. At B. Rosa rogauit Matrem, vt sumptui parceret, affirmans, sibi potionem illam non defuturam. Subirata Mater, Ancillam virgebat ad opus. Sed Virgo, mox, inquit, aderit é Quæstoris domo, qui calentem deferret Indorum ambrosiam. Et quis hoc noctis Quæstorem admonuit de imminente deliquio tuo? addebat Mater, Cum ecce Quæstoris seruus, vas affert argenteum calenti Chocolata plenum. Attonita parens, obediētiz vinculo filiam adegit, ediceret, vnde compererit, affore sibi remedium. At illa subridens, sæpe me, inquit, huiusmodi dignatur officijs Angelus Tutelaris, illum misi, qui admoneret, Quæstoris vxorem, de medela, qua indegebam. Solebat Mater ante mediam noctis horam, aperire ostium horti, vt inde filia, se domum reciperet, At quondam oblita cum esset, B. Rosa per fenestram Cellulæ suæ vidit vmbra candidam motu decoro agilem, aspectuque non iniucundam, quæ Virginem, vt se domum versus seque-

retur, inuitabat. Agnouit illa, sub vmbra latentem Angelum suæ Custodiæ destinatum, cumque illo, se dedit in viam; vt ad horti ianuam peruenere, hæc, ad vmbra tactum, sponte patuit, Sed & aliorum Tutelares Angelos, sibi ad nutum habuit obsequentes. Exemplo sit, vir quidã è religiosa familia, qui peregrè profecturus B. Rosæ preces flagitauit, pro itineris periculis diuertendis; At cum diu iter tutissimum habuisset, in Truxilli conualibus, grauia quæque perpessus est, ac deinde Limã regressus cum B. Rosa conuerſi cœpit, quod se destituisse: Virgo id accidisse dixit, quia non ille tunc fuerat peregrinus, qui esse solebat, & hominem admonuit de arcanis ei solummodo notis, quæ non nisi Angelo internuntio B. Rosæ, potuerant innotuisse. At quantum illã Sanctissimi Angeli amabãt, tantũ demoderant furia tartareæ, quæ aliquandò palam cum generosa Puella certarunt. Ingentis molossi forma, semel in horti cella, per tenebras aggressus est B. Rosam malignus Tenobrio; percentauit irritò morſu virgineum corpusculum, quamque discerpere non poterat, diu raptauit per solum, quousque B. Rosa his vocibus: *Ne tradas bestijs animas consistentes tibi*, hostem egit in fugam. Fuit, cum ex insidijs adrepens Cacodæmon, improuisum ei colaphum incussit. Cùm saxum in eam libravit eo consensu, vt euntem, ad humum affligeret: Cum in secreta ædium parte, orans Beata Rosa, vidit in prægrandi Sporta teterrimam belluam licentiùs tumultuari, ac dedignata, qualicumque solatio lucis vti, candelam extinxit, & hostem in arenam provocavit. At ille

Gigan-

Gigantea mole profiliens per humeros corripuit Virginem, strinxit, contorsit, quasi laceraturus oblectantem: & omnia quidem puellæ ossa commolita videbantur, nervique distracti, at, infractus animus, risit furentem Cyclopi insaniam. Animadvertum est, frequentes hos Virgini fuisse agones, nec unquam formidinis ab illa sensum expressisse, quando, feroci vultu, animorum prædo irruebat. Sed aliquando cum in horto specie formosissima ac penè mutatus in Angelum lucis illi adstitisset, & procum ageret, à nobili fuga victoriam quæsiuit illicò Beata Rosa, & in propinqua porticu ferrea catena correpta, nudos sibi humeros flagris acerbissimis cruentavit, interque sanguinis & lachrymarum rivos, de Sponso conqueri cœpit, quòd se tunc delituisse. At ille, manifesta luce conspicuus B. Rosæ vultum exhilaravit, ac dixit: Ni tecum ego fuisset, tu ne victoriam reportasses? Germana planè sunt hæc ijs, quæ S. Catharinæ Senensi in certamine simili contigerunt, cui Virgini collata munera Sponso, in B. Rosam quoq; congeffit: velut etiam mirabile donum internoſcendi sinceras visiones ab illusionibus Sathanæ, quo floruit à pueritia, ac tunc temporis eruditè recensuit regulas distinguendorum spirituum ab effectibus, quos in anima pariunt: Has olim Christus Catharinam docuit, hæc, B. Rosam, quæ suam adeò Magistram expressit, ut si ad Indos accidisset fama erroris Pythagoræi de transmigratione spirituum, quàm plurimi credidissent, Catharinæ animum, in B. Rosæ corpus ingressum.

## CAPVT. XII.

*Beata Rosa, persecutionibus, morbis, ærumnis  
pressa, prodigiosa tolerantia.*

**R**OSIS conuascuntur spinas. Nonum ætatis mensum attigerat, cum lactanti matri auerunt ubera, reque angusta domi prohibente conductam nutricem, liquidiori pulcæ supplebatur lactis inopia, diducto paruulæ ore non sine cruciatu, sed sine lacrymis, quin imò B. Rosa sui pollicis inutili suctu, tacita fraudabat famem. Vix pedibus ingredi cœpit, cum ob muliebrem Auia Matrisque, de Isabellæ, Roseque nomine controuersiam, utriusque persecutionibus se uidebat implicitam, excepta uirgis ab auia, si ad Rosæ nomen, à Matre, si ad Isabellæ, respondisset. Ut suauis erat indoles filiolæ, sic aspera conditio Matris, quæ B. Rosam ob eximiam modestiam, perpetuas preces, ac sæculi fugam, non conuitijs solum, alapis, pugnis, & calcibus, sed & nodoso baculo ex malo cydonio delumbabat, præsertim post grande crimen præcisæ capillitij. Nec mitiores in eam domestici, ob continuum commercium diuinorum, & ferè nullum alimentum, quo parebat, humanis uiribus eam uiuere non posse, vocabant B. Rosam, in suspicionem fictæ sanctitatis, eique minabantur breui rapiendam ad sacrorum Quæstorum tribunal. Exultabat interim B. Rosa uident per ipsas Catharinæ uias ire se ad Sponsi unionem, & ab illustri scemina interrogata, cur à Seraphica Magistra sua non quærebat ab his ærumnis effugium, (namque apud omnes in comperto erat, B. Rosam,



Rosam, quacumque vellet, à Catharina impetraturam: pluris se facere dixit, suæ Matris dolorosa stigmata, quàm delicata solatia, eò quòd puderet Crucifixi sponsam, vel per momentum, cruce viduari. Et hæc quidem prægrandis nunquam, aut raro illi deerat; namque vacantem ab externa, grauior occupabat interna, cessantique foris persecutioni, agminatim corporis ægritudines succedebant. Ex dira neruorum attractione triennium lecto decubuit, cruciatu immenso, gemitu nullo. Mirum quot ex diuersis, oppositifque causis in Virginem morbi irruerent, terni, simul, & quaterni, nullo supposito in exsucco, arridoque corpusculo ardoris pabulo. At non ab intemperie humorum, sed à beneuola Sponsi manu, vt ipsa probè sentiebat, hisce agonalibus bonis prouenientibus. Sanè confessa est aliquando, putare se, nullum alicuius partis, aut membri superesse cruciatum, quem ipsa non senserit. At ne primus quidem impatientie motus vnquam obrepfit, qui affixam diuino beneplacito, vel latum vnguem detorqueret. Cum angina, cum asthma, cum ischiade, cum pleuritide certandum, illi sapissimè fuit. Stomachi, pericardij, intestinorù dolores, frequètes conuulsiones inuehebant, febres, easque contumaces assuetudo verterat in iocum, non item articulares manuum, pedumque fidiculas, podagram, chiragram, arthritidem domesticam præcipuè familiam epulorum, quæ impransam, & incœnatam B. Rosam frequentissimè infederunt. Illa inter extremos dolorum laniatus, benè sibi esse perpetuò dicebat, & Sponsum tantummodò alloquebatur his vo-

cibus: Domine, auge, auge dolorem, dummodo au-  
geas & amorem. Quàm verò suæ B. Rosæ precib<sup>9</sup>  
obsequeretur Sponsus diuinus, ostendit mirabili, ce-  
leberrimaque visione, qua supra geminos arcus lucis  
immensæ Christum librantem aurea lance hominum  
& merentiam. suaq; munera illis collata in præmium,  
aspexit, eundemque suum regem audiuit elata voce  
commendantem pœnas constanter ab hominibus de-  
voratas: & asserentem non alia, quàm crucis scala  
ad Cœlum eniti homines posse. Tunc validissimus  
impetus B. Rosam inuasit profiliendi in forum, & æ-  
rumnarum pretium celebrandi, diuinæque gratiæ, cu-  
jus mirabilem puichritudinē, & vim, qua constituit  
animas deiformes, apertè viderat. Hoc præparauit  
B. Rosam ad vltimos paralysis dolores, qui, præmatu-  
ram ei mortem intulerunt.

### C A P V T XIII.

*B. Rosæ ardentissimus erga Sponsum amor,  
varijs indicijs manifestus: impetratum ab illa  
miraculum sudantis imaginis, vt Christum  
omnibus amandum persuadeat.*

**Q**vanta in huius Virginis corde flagraret Aethna  
diuini amoris, palam aliquando fecerunt splen-  
dores, & flammæ ab orantis vultu scintillantes. Vi-  
sa non rarò est euibrare per os, oculosque lucidissimū  
ignem præcipuè dum funderet preces. Eiusdem ar-  
doris indices erant, ignita suspiria, quibus perpetuò  
diuinum cordis est im ventilabat. Ardentes perpetuò  
precatiunculas iaculabatur in Cœlum, quas operè pre-  
tium

rium esset hic apponere, namque plurimis vsu fuere non sine maximo diuini amoris incremento. Omnia B. Rosę colloquia, salutationes, responsa, amoris diuini mentione, condiebantur. Vnicum illi solatium erat, de amore diuino aut audire, aut loqui, omne aliud argumentum, cum, dexteritate hęc inflectere. Tunc Virgini, alias taciturnę, presto erat facundia mirabilis: fulgurabant oculi, & ex cordis abundantia loqui linguam manifestum erat. At cum in priuato Oratorio soluebatur in preces, gratissimum erat audire inuitantem singulos ordines creatarum rerum ad amorem diuini Conditoris. Duabus, ac tribus horis eidem insistebat, & clam audiebatur à multis, qui viderunt arripientem non raro pendulam, è pariete citharam, tactuque chordarum temperantem impetum vocis, & excepta sunt hęc verba ab illa numeris illigata.

*En inter flores pulchrescū, & inter Olivas.*

*Iesule, nec molli spernis adesse Rosę.*

Namque Matre Oliua, & Patre de Floribus, nata erat. Vehementissimi amoris comes, ac testis zelus, virginem adurebat, ideòque otiosos in templo fabulantes admonebat officij: Non erant domi, qui coram illa quidquam ineptum proferēt, veriti fulmina Virginis, diuinas iniurias nō tolerantis. A prima pueritia si forte audivisset sorores amatorium quid concinentes, vberissimo fletu testabatur, dolorem cordis exulcerati. Lachrymas, quia vnicè ad ærarium DEI pertinere didicerat, (namque illis emitur Cælum) nolebat aliò, à quocumq; profundi, ideòq; cum forte vidisset Matrem

trem plorantem: Quid, inquit, prodigis gazam Nu-  
 minis thesauro referendam? Quotiescunque verò  
 suum Deum ab alijs, coli animadverteret, triumphaba-  
 bat immenso gaudio, & aliquando cum reddiisset ad  
 cor, sœmina è sacro Cœnobio profuga, B. Rosa miris  
 lætitijs incessit, festumque diem egit, perinde ac si  
 totius Americæ sceptum, ad illam deuolutû fuisset:  
 D E V S que, vt B. Rosæ gaudium intenderet, ostendit  
 Sanctitatem insignem, quam adeptura olim erat pœ-  
 nitens Sanctimonialis. Habiturus aliquando erat so-  
 lem nem concionem Confessarius B. Rosæ, quem re-  
 pentè febris inuasit. Rescivit id Virgo, & precibus  
 contra se inuitauit Concionatoris febrim, futuriq̃  
 euentus certa, virum admonuit, præstò illi fore vires,  
 se verò coquendam febri, non sua. Quod re ipsa  
 contigit B. Rosæ, vt olim Sanctæ Catharinæ Senensî.  
 Propagandæ gloriæ diuinæ studio innumera excogi-  
 tabat in dies, quæ hominum pietatem accenderent:  
 velut inter cætera nouam artem conficiendi vestes  
 infanti DEO, offerens pro indusio, fascia, stragulo, fim-  
 brijs, crepundijs preces, ieiunia; verbera innu-  
 mera. Quod nobile inuentum, quàm plurimi ample-  
 xi sunt. Hanc autem sui amoris amplificandi solli-  
 citudinem ingenti miraculo probauit D E V S. Anno  
 huius sæculi decimosæptimo, decimaquinta Aprilis  
 die, cadente Sole, Rosa cum vxore, & filiabus Gun-  
 disalvi Quæstoris, effusa in preces ante pulcherrimã  
 Seruatoris imaginem, vehementiùs amoris stimulis  
 concuti cœpit, jamq̃ nec voci temperare posse, sed  
 erecta in pedes feruidissimè affari suum DEVM, eumq̃;

obte-

obtestari, vt ignita pharetra excussa mortales omnes  
sui amoris telis vitalibus, vulneraret: Cum ecce puella  
Quæstoris filia, videt Seruatoris vultum, sudore ma-  
didum, in argumentum amoris; quo flagrabat a-  
mantissimus *DEVS*, quemque in *Beata Rosa* gra-  
tiam iudicij illis profitebatur, vt pares in ho-  
minum cordibus, flammam accenderet. Mox  
puelle mater, tum genitor, deinde Religiosi vi-  
ri, tandem Angelinus Medorus, qui sacram effigiem  
colorauerat, alijque plurimi viderunt copiosas sudo-  
ris guttulas, ad instar minutissimorum vnionum, tota  
sacratissimæ imaginis facie conspicuas lucere, ac pro-  
minere. Subnasci alijs alias, mutuoque attritu solui  
in fluxum, ac diuersis lineis per capillos, & collum  
decurrere, quoque detergebantur magis, eò magis  
erumpere, riuosque riuis succedere: & hoc ostensum  
supra quatuor horas produci, nullo colorum, aut ve-  
nustatis detrimento, imò adaucta interim pulchritu-  
dine vultus diuini: ChrySTALLINI humoris claritas, o-  
dor nullus, & alia quàm plurima examina, palam fe-  
cere, non inesse humori pinguedinem aliquam ex  
coloribus oleo temperatis, sed omnes naturæ, atque  
artis industrias à tali prodigio longè abesse. Prosceni-  
um illud amoris diuini reciprocos hominum amo-  
res inuitantis *B. Rosa* vota impleuit; namque omnes,  
qui spectaculo interfuere, nouis, acutis, insolitis diui-  
ni amoris stimulis, sub illius intuitu, vulnerati sunt Ne-  
que hic stetit miraculum, sed alterius partu suam cer-  
titudinem asseruit; namque *B. Rosa* ipsa lapsu fortui-  
to ad terram allisa grauiter offenderat, adeo vt *Chi-  
rurgi*

rurgi metuerint, aut mancam Virginem ea parte fore, aut curationis remedium diuturnum, incertumque. Rosa certa recuperandæ salutis, si gossipium diuino sudore madidum, brachio admoueretur, tamen cupida fruendi diutius doloribus suis, id non est ausa, nisi ex Confessarij præscripto. Tunc verò tractu præuulido sentit redire ad suam sedem distortos neruos; detumescere pulpos, distringi musculos: attonitis ad hæc Chirurgis, qui de intractabili brachio, & in omnem medelam contumaci, iam propè desperauerant. Præter illa, quæ inuimus, B Rosæ prodigia, imperium in belluas, arboreisque, & in spiritus ipsos, intuitum cordium, & absentium rerum, manifesta alloquia præsentis Dei, prædicit breui, aliorum vberissima appendix, statim atque licuerit ex lege sacrorum Rituum.

#### C A P V T XIV.

*B. ROSÆ cum imagine Deiparæ familiare consortium: in diuina Crucis signum Religio; Mutui honores, quibus illa & S Catharina Senensis se prosequuntur.*

**A**Nte centum, & amplius annos, imago Deiparæ Virginis, cui à Rosario nomen est, Limæ cultum accepit: Ex illo Roseto, ver nascentis fidei, in eas terras sese latè diffudit. Ad huius aram B Rosa perpetuo procumbebat in preces, mira læticia gestiens, & suam Diuam loquentem, varia serenæ frontis eradiatione, veluti quibusdam nutibus, tam perspicuè percipie-

cipiebat, ut nulla verborum facundia melius præstare id posset. In filioli quoque diuini vultu, velut animato libro responsa distincte legebat, veluti si picta cerneret, vel mutis characteribus, exarata. Hunc deperibat: huius ad intuitum nouo calore perfunde-  
batur, & gaudio, videbatur enim cœlestis infans brachia foras proterere, veluti in amplexum B. Rosæ procururus. Fama erat illam omnia impetrare, quæcumque ante sacram imaginem à Cœli Regina flagitaret, ac tanta securitate rerum euentus pollicebatur, quasi concessæ gratiæ diploma percepisset. Colebatur in domestico Oratorio altera Dei parentis imago, in qua B. Rosa videbat omnia spirare, ac vivere, & aliquando, cum pia matrona, ante illam narraret prodigia, quibus Virgo in Atocha clientes suos à vitæ discriminibus eripuerat, B. Rosa prospexit imaginem edentem signa inuoluntariæ lætitiæ, torquentem oculos benignissimo nutu, augustius radiantem. Porro sacellum Rosarij, quouis die Sabathi, floribus exornare consueta, quos in horto educabat, nunquam hoc solatio destituta fuit, quàmuis perfrigida rigeret, aut ardens esset anni tempestas. Sed pulchrius inducbat, spirituali veste Reginam suam, & alia ornamenta, ieiunijs, influctis sibi verberibus, & precibus innumeris componens. Præaltam crucem in hortensi sua cella extantem, pijs complexibus perpetuò stringebat: vbi cumque diuinum hoc signum incurrisset in illius oculos, pulsu validissimo sua præcordia agitabat, siue in fortuita trabium commissura, siue in decussatis tepium bacillis, in vectibus, in ipsis demum

demum festucis, ac paleis occurisset; illam sine  
 intenta veneratione nunquam præteribat.  
 Libanotim, vulgò Rorem marinum, alebat in hor-  
 to, cuius tres arbusculæ in crucis formam coibant;  
 vnam ex his Proregina dono quæsiuit, sed apud illam  
 cespes illico exaruit, & idcirco B. Rosæ manibus  
 iterum infitus, post quatuor dies pulchrior solito re-  
 uiruit. Circumferre, Sanctæ Catharinæ Senesis ima-  
 ginem quotannis solebat pium Sodalitium illius  
 cultui consecratum. Cuius Diuæ statuæ coronis,  
 floribus, & multo fulgore gemmarum adornandæ  
 B. Rosa quoad vixit, destinata fuit, quo munere tem-  
 perare sibi à lachrymis, ab osculis, ab alloquijs præ-  
 ardore non poterat: Oh si præsto mihi esset pecuniæ  
 vis non exigua, dixit aliquando, vt pulchriori amictu  
 te induerem optima Mater: & ecce illicò adsuit, quæ  
 ab illustri scæmina nummos attulit, B. Rosæ votis  
 designatos. Visus non rarò fuit sacræ imaginis vultus,  
 insolito splendore radiare. Floruerunt ad imperium  
 B. Rosæ caryophylli, quorum pridie ne nodi quidem  
 apparuerant in florem erupturi: Ac tres vernarunt,  
 quot sibi B. Rosa iusserat afferri. Francisca de Mon-  
 toia, quæ sacrum Catharinæ simulachrum exornaue-  
 rat, B. Rosæ beneficio incolumis euasit ab igne sul-  
 phurato, qui in oculum ipsius incurrerat, & resili-  
 ens incendit vestes alterius scæminæ quam corripuit.  
 Ipsiusmet B. Rosæ dexteram, aliquando horrenda ar-  
 thritis inuaserat, adeò, vt intumuerit manus mirum  
 in modum, nec digiti loco moueri possent. vt verò  
 Seraphicæ Matri suæ festiuum habitum solito cultu

compo



componeret, digitos forficum ansulis immisit, cum id fieri præ tumore non posset, & alacritate miræ gemmas, torques, monilia in ordinem distribuit; attonitis ad hæc regio Quæstore, illius coniuge, & medicis, qui diuinitus id contigisse professi sunt.

## C A P V T XV.

*B. Rosa feruidus amor, & cultus in diuinam Eucharistiam pro qua ad Martyrium se accingit.*

**T**ER, vt minimum, in hebdomada diuina Eucharistia reficiebatur, quinque non rarò, & aliquando in singulos dies: præmittebat semper magno gemituum, & lacrymarum apparatu, sacramentalem confessionem: pridie asperius cruentabat corpusculum flagellis, rigidoque ieiunio, & hospiti diuino, tam pretiosis ignitarum aspirationum odoribus, cordis habitaculum adornabat, vt si per totum vitæ spatium, illa tantum vice, exceptura esset amantem Deum. At dum procumbebat ad Angelorum mensam, adeò diuini amoris igne flagrabat, vt facie præferret cordis incendium; hæc enim corusebat adeo, vt Sacerdotibus terrorem incuteret: Cœlesti splendore sæpissimè perfusa, Angelica non rarò forma, radios etiam emittens, apparuit religiosiis viris: & ipsa Virgo, à Confessarijs iussa indicare mirabiles effectus, quos in animo suo, diuinum hoc Sacramentum pariebat, in singulis verbis hæsitabat, causata vocabulorum inopiam; tamen, immigrare se quodammo-

do, dicebat, in suum Deum, & gaudio tam immenso recreari, vt profectò nulla iucunditas mortalis, vitæ comparari posset illi, qua mammilla Regum, pretiosum hoc conuiuium suam secum quodammodo diuinitatem partiebatur. Accedebat robur, & saturitas prodigiosa, adeò vt, cum sæpe dum templum adiret ex pridianis ieiunijs, flagris, ac vigilijs fessa, in angiportis hæere cogeretur, diuino resecta pabulo, domũ rediret alacri passu: præiret Matrem, veluti si ambulandum sibi esset ad montem Oreb in fortitudine cibi illius. vt vero corporis saturitatem à pastu eucharistico acceperit, patuit domesticis; namq; reuersa domum ab epulo diuino, rectà festinabat ad secretum cubiculi, & ibi ad seram vsque noctem inclusa, perstabat in sponsi complexibus, & rogata cibum sumere pridiano exhausta ieiunio, respondebat: præ ingenti satietate mensa Domini, alium se cibum admittere neutiquam posse, & aliquando per octo solidos dies, altaris Sacramento pasta ab omni prorsus corporali alimonia, veluti Sancta Catharina Senensis, abstiuit. Tanta verò religione venerabatur hoc Sacramentum, tam ardentem amabat, vt quotiescumque illo recreanda erat, missæq; sacrificijs interesset omnibus, à summo manè ad meridiè vsque, ne vel ad momentum quidem, oculos ab ara deflectens, aut supercilium vnico nictu demittens, licet noti, ignotique ante illam transirent, & ferè in oculos incurrerent. Cum publica quadraginta horarum supplicatione adorabatur Sacramentum à populo, à mane ad vesperam vsque immota prorsus hærebat innixa genibus B.

Rosa oblita prandij, nec aquæ vna gutta resecta: sic per octo solemnes dies Sacratissimi Christi Corpori consecratos, sic vltimis quatuor annis, vbi feria quinta maioris hebdomadæ deduxerat ad monumentum Regem suum donec die parasceues ad tabernaculum transferretur, nec noctu inde eedebat, affixa tumulo, toto viginti quatuor horarum decursu, nec sedere coram illo ausa, nec muro tantisper acclinari. Sicubi audisset ad diuinum Corpus adorandum signa dari, cor, & caro illius exultabant in Deum viuum, vividior in facie color accendebatur. Iucundissimum illi erat suis manibus aptare lintea, pallas, & quidquid textile ad sacram Altaris supellectilem spectat. Pretiosos è filis sericis flores effingere, & in hæc opera conficienda, ne diurni laboris penso, egestatem Matris fraudaret, noctis partem seponere. Denique pro Sanctissimæ Eucharistiæ mysterio, vitam effundere prægestijt. Cum Batauorum classis, Peruuia littora popularetur, & ipsi iam Limensi portui immineret, imò etiam in arenam profilijsse milites dicerentur, B Rosa cæteris exanimatis, mirum in modum exultans, in templo socias hortari cœpit, ad subeundum pro religione martyrium, & facie rutilante, vestem, quâ longior in terram defluebat, alacriter præcidit, cothurnos exuit, vt in breui hac veste magis expedita, incurreret in hostes. Ex oculorum scintillis, ex impauidi vultus constantia, ex viuido tono vocis heroicæ, animosa virago lænam induisse videbatur, lacessens horam fatalem, & mortis minitans pugnacissimè: Feruebat Virgini sanguis effundi audus: cum

auditum est, recepti Barauos cecinisse; & voto suo fraudata B. Rosa torqueri cœpit ardentiori siti martyrij, cuius amore saucia, dolebat, se nō illis temporibus natam, quibus gliscebat tyrannorum furor in Christianos, & sapē cum gemitu dicebat familiari Matronæ: Utinam idonea ratio, & modus occurreret, adornandi fugam, ad barbarorum Prouincias, & ibi sanguinem pro Christo fundendi.

### C A P V T XVI.

*B. Rosæ, eximius pro periclitantium animarum salute zelus, & studium consulendæ corporali saluti proximorum supra modulum facultatum.*

QVoties ad interiora meridionalis America montana flectebat oculos, cruciabatur medullitus, illacrymans perditioni tot Barbarorum: & cæteræ gentes Christianis legibus non exultæ perpetua illi erant materia lacrymarum: Optabat visceratim, discerpi, ac retis instar obpandi voragini, qua tot animæ infelices ruebant ad Tartara: hortabatur Religiosos viros ardentissimis verbis, vt ad nunciandum Barbaris Euangelium festinarent. non hærendum, in tonabat, in subtilitatum apicibus, in controuersijs verborum: proijci scholasticos labores, clamorosasque disputationes, si tantis parta sudoribus eruditio, proximorum saluti fideique propagationi non impendantur. Assueuerat, se nisi sceminam natura finxisset, decurso studio literarum, adituram fuisse ferocissimas

simas gentes, quas vel in viam salutis reduceret, vel ab illis coronam acciperet mortis obitæ pro fide sanctissima: statuerat adoptare sibi pupillum inopem, & desolatum, quem in studio virtutis, & literarum educaret ad laborem in conuersione gentilium subeundum. Vni ex Confessarijs suis incerto, an expeditionem ad Barbaros susciperet, obtulit dimidium operum suorum, quibus Diuinitatis amorem demerebatur, vt alacrior ille ad excolendam vineam Domini festinaret. Quæ verò illi cura fuit, & zelus periclitantium Christianorum, pro his quotidie cruenta sibi verbera infligebat, dicens, si quo modo sibi licuisset fungi prædicatoris officio, operam horrido cilicio, nudipedem, squallidam interdium noctuque se circumlaturam Crucifixi Seruatoris imaginem per fora, per triuia, & lugubri clamore reuocaturam ad cor homines à recta via deerrantes; at diuini verbi concionatores feruida modestia admonebat officij, vt facundia inani, & inutilibus floribus, ac theatricæ ostentationis cothurno posthabito, animaduertent, constitutos sese hominum piscatores, qui flagitiosas animas eximerent ab ima Charybdi vitiorum. Et exemit ipsa B. Rosæ nonnullas prodigiose. Iuuenem præcipuè genere, quam moribus nobiliorem, qui amore pulcherimæ B. Rosæ succensus, ac desperata spe nuptiarum, quærebat saltem occasionem, qua oculos pasceret illius venustate, ideoque B. Rosæ Matrem conuenerat, vt iuberet à filia collaria sibi aliqua, ex prætioso carbaso elaborari. Aduocata B. Rosæ, vt statueret, quot vlnæ melioris telæ, & vndenam es-

sent emendæ, diuinitus edocta secretum, quod corde premebat Vincentius Montefius Venegas (hoc iuueni nomen erat,) illum sanctissimis verbis ad virtutem incendit, adeò vt sobriam, & grauem viuendi rationem instituerit, singulis ad minimum octiduis diuino Epulo refici consuetus. Fæminam præcipitis iracundiæ ad tractabile pacis ingenium, instituta de tranquillitate animi suauissima concione reuocauit, adeo vt fateretur recordatione mansuetissimæ B. Rosæ sopiri, quascumq; flammæ naturæ ignis accenderet. Religiosum virum cum morte luctantem, & formidine seueri Iudicis trementem, confirmauit oblata illi de suorum exercitiorum qualicunq; censu, quidquid moribundo deesse ad supplendam inopiam meritorum. Ab obitu conueniri se perens à defuncti anima, si sortè indigeret vltiori suffragio. Et diuinitus B. Rosæ innotuit, illam quamprimùm regioni lucis adscriptam fuisse. Mirabatur profectò vnusquisque pauperrimæ B. Rosæ funus publicis mendicorum eiulatibus, ac lacrymis celebratum fuisse, vociferante turba egenorum, suam sibi nutricem ac matrem fato immaturo præreptam: adeo palmas suas extendit ad pauperes, cum his diuidendo eleëmofynas, quas insperato receperat. Fuit cum octo dierum alimoniam sibi subtraxit, pro egentis cuiusdam subsidio: cum triginta sex vlnas candidæ telæ sibi à Matre attributas ad sudaria, vela, mantilia, omniemque candidi nitoris supellectilem formandam pro arbitrio suo, secretò donauit duabus virginibus genere, & virtute nobilibus, at pauperibus: fuit, cum oblongum,

gum, & ad terram vsque demissum Matris pallium, inopi cuidam Virgini donum fecit, & Matri conquestæ prædixit, pluribus illam à diuina bonitate ditandam. Stetit promissis fides; namque post paucos dies, ignotus homo, quadraginta libras argenteas, pro pallio coëmendo attulit Matri. Maria de Sala per famulum misit sericum subtegmen alteri conficiendo sufficiens, & sibi oblatas ad hoc eiusdem materiæ totidem vlnas Limanus Prædicatorum conuentus B. Rosæ matri destinauit. Nobilem Virginem egestate, ac morbo pressam, & purulenti cancri peste nulli ferendam, intra paternas ædes recepit, & medicas illi manus admouit sedulitate tanta, vt breui ad salutem reuocauerit. Cuiusque sortis, aut conditionis pauperes sceminas, morbis affectas, in domum patriam inferebat, neque recti solùm, & strati, sed & medicinæ, ciborumque solatio egentes, reficiebat. Ijs abstergebat purulenta vlcera, mundabat vestes, lauabat pedes, nullo discrimine Hispanos inter, & Indos, Æthiopesque, nigros, & candidos. Nulla ægritudo tam putrida, nullum vlcus tam tetrum, cui Virgineas adhibere manus B. Rosa defugeret. Hac ambitione obibat mulierum valetudinaria, & præ ceteris horridas intuita, his eluebat vasa, parabat edulia, lectulum componebat, nil dedignata, si vitiata sanies pannis suis adhæreret, quàmuis ceteroqui munditiam amaret. Quinimò aliquando cum extractum è vena cuiusdam famulæ sanguinem, post biduum seroso virore, flauis, nigrisque maculis, ac sanie ramosa decolorem stomachus horreret, secessit in angulum, & ad instar Sera-

phicæ suæ Magistræ, totum illum virulentum cruorẽ  
 ausu heroico sensim epotauit. Et B. Rosæ charitas  
 morte fortior non rarò fuit, namque salutem redona-  
 uit ægris, quibus ministrabat. Inter alios Ioannes Al-  
 mansa nòbilis vir, decumbens impetrato B. Rosæ allo-  
 quio, in illius vultu maiestatem Angelicam notauit:  
 & hausta viua spe incolumitatis, solutus in somnum  
 est, & integrè sanus euigilauit. Plura curationum  
 miracula in aliud tempus differimus: interim addere  
 libet, quod vel ad bruta animantia B. Rosæ suauitas,  
 ac tenera miseratio protendebatur. Erat Mariæ de  
 Oliua B. Rosæ Genitrici, miræ pulchritudinis pullus  
 gallinaceus, cuius in tergore, & alis versicoloribus a-  
 mœna plumarum varietas ludebat, & collum, quæ-  
 dam veluti purpura incinxerat, adeò vt domi in deli-  
 cijs esset. Sed cum iugiter cubaret humi, nec vnquã  
 visus esset in pedes attolli, nunquam auditus cucurire,  
 pertæsa Mater constituit illum iugulare, & mensæ co-  
 medendum apponere. Adstans B. Rosa, Canta, in-  
 quit, mi pulle, ne moriaris. Vix verbum protulerat,  
 cum sub oculis omnium repentè Gallus adurrexit in  
 pedes, totum conclauẽ prætumidis passibus peram-  
 bulauit, & hilariter ecuriuit, reperita, quindecies  
 intra quadrantis horrarij spatium, cantilena.

## C A P V T XVII.

*B. Rosæ magna in Deo fiducia, crebro in suis,  
 suorumque necessitatibus explorata.*

**M**irificè afficiebatur verbis illis Dauidicis: Deus  
 in adiutorium meum intende: Domine ad ad-  
 iuan-



iuuandum me festina: hæc sedens, stans, ambulans deuotissimè iterabat. Tria potissimum erant de quorum assecutione dubitare Rosam non sinebat cælitus concessa fiducia certitudo: primum, æterna sua beatitudo, alterum perpetua, & nunquam interpolanda Dei amicitia: postremum, certum ex alto auxilium in quibusuis necessitatibus, ac repentinis periculis. Semel concussa est pauida formidine circa prædestinationis arcanum omni animæ tremendum, sed illicò Dominus sic illius cor est allocutus. filia neminem condemno, nisi volentem condemnari: igitur ex hinc, tranquili animo esto: Ex inde tam inuicta fiducia cordi Virginis in hæsit, vt interrogata à Doctore Castillo, an suæ salutis certam notitiam diuinitus accepisset, fateri compulsa sit: superna illustratione tempestiuè se didicisse, quòd ab æterno electa erat ad cœlestem gloriam; quin etiam in vltimo decubitu cognouit ab omni purgantis ignis mora, immunem sese futuram. Dum hortensem cellam incolebat, in mentis excessu, vidit circa se vndique solum conspersum rosas, & miranti quonam pacto tam repèntinò vere tegetetur terra, paruulus IESVS apparuit, & B. Rosam blandè compellans, iussit sparsas rosas colligere: Lectas illa diuino puerulo attulit, qui ex omnibus vnicam in donum poposcit, &, Hæc tu Rosa es, dixit, cuius prouidam curam assumo: Intellexit illicò sapiens Virgo, quorsum tenderent verba sponsi, & gauisa, teneri se in dextera, veluti Rosam electam, sollicita quid agendum de reliquis esset, breui consilio subitaneum inde sertum confecit, & celesti Infan-

ti reuerenter imposuit, qui mox suauissimè arridès dis-  
 sparuit. Pari certitudinis solatio fruebatur in securita-  
 te gratiæ, diuinæque amicitia, cum cœlitus comperi-  
 flet, in Sponsi fauore se confirmatam, vt ne vel ad  
 momentum dulci amicitia fœdere posset excidere.  
 Asseuerauit aliquando animæ suæ moderatori, facili-  
 tûs imponendum sibi, quod palea esset, aut saxum,  
 quamquod haberet numen auersum. Eadem vis con-  
 fidentia B. Rosam aduersus quaslibet mortalis viræ  
 cifficultates armarat. Nil metuens obuios tauros fe-  
 rocissimos perstitit sapius in vestigio, matre fugam  
 circumspiciente, spondens immanes belluas innoxie  
 transituras; quod re ipsa bis contigit, non sine admi-  
 ratione omnium, qui præsens Virginis exitium me-  
 tuebant. Vt verò sperabat subsidia ad victum neces-  
 saria! Certior aliquando facta, domestica penuria,  
 quia panes nulli supererant, arcam aperuit & plenam  
 reperit panibus vltra domus illius morem candidis,  
 azymis, ac saporosis, testante figura inusitata & pere-  
 grina, hos aliunde prodijisse. Alia vice mel defuit,  
 necessarium illis regionibus condimentum: bis, ter  
 experti, fundotenus exhaustum arescere vas, filij re-  
 tulerunt Matri; at illa B. Rosam legauit, quæ cupam-  
 intuenit vsque ad supremum labrum recenti melle  
 plenam; quod nouo prodigio integris octo mensibus  
 toti familia satis fuit in vsum quotidianum. Gaspa-  
 rem Flores Patrem Virginis premebat ægritudo cor-  
 poris, animique mœror, ob quinquaginta librarum  
 debitum, cui soluendo non erat. Vt Virgo rescuit,  
 sudit, in Templo preces, & domum redeunti vir pla-  
 nè

nè ignotus, inuolutam strophiole pecuniam Patri necessariam porrexit. Eiusmodi peregrinis subsidij pluries egena domus, in gratiam sanctæ filiæ, recreata fuit. Quinimò erga locupletissimum Sponsum, ea fuit B. Rosæ fiducia, vt ausu liberali, Virgo pauperrima frequenter, & pallam in se receperit, prouidere de toto sumptu, ad excitandum à fundamentis nouum Sanctæ Catherinæ Senensis monasterium, cuius erectio cœlitus promissa, & ostensa illi fuerat, quodque tam serua fiducia spondit, vt Mater fastidio impar, B. Rosam quasi manifestè delirantem obiurgauerit: Et vbi tibi sunt, diceret, bis centies mille libræ argenti! At illa fideiussorem, inquit, habeo illum, in quo thesauri omnes. Sed hæc teorsim narrabimus.

## CAPVT XVIII.

*Beata ROSA, diuinitus cognoscit, adificandum in Vrbe Limana sancta Catharina Senensis Cœnobium. Eidem alia complura arcana Deo reuelante patefunt.*

**F**loret nunc Limæ, numerosum ducentis sacris Virginibus Cœnobium, sub instituto sancti Dominici, erectum anno sæculi huius, vigesimo secundo, ab illustri, & opulenta vidua D. Lucia Guerra de la Daga. Istud integro ante foundationem decennio, nunc per symbola, & figuras, nunc manifestè in propria forma, & typo fuit B. Rosæ diuinitus præmonstratum: De illo tam securè, ac fidenter loquebatur, perinde ac si constructum ante oculos haberet: Designauit perso-

personas, quæ illic Deo famulaturæ essent, ac inter  
 has propriam Matrem, numerum diffiniuit, locum  
 prædixit, futuræ ibidem fabricæ plantam, ac systema  
 in tabella delineauit, primum inuenti sacrificij My-  
 stam, nominatim expressit, primam futurarum Monia-  
 lium Præfectam ex vultu agnouit, spiritu suo imbuit,  
 osculo pacis quodammodo initiauit. Nonnullis visa  
 est in sanire, cum, præcipuè illustris fœmina, quam  
 Cœnobij fundatricem fore vaticinata fuerat B. Rosa,  
 superstitem virum haberet, & Matrem circumstaret  
 soboles numerosa quatuor nempè filij, & vna filiola,  
 & qui in se receperat curam, exorandæ à Rege facul-  
 tatis, Madrito Limam redijsset, infecta re, & nulla  
 spei lux in posterum affulgeret. Sed Lucix maritum,  
 & paulò post filios omnes, ab hac vita Deus euocauit,  
 obstacula innumera, & potentissima disiecit, repu-  
 gnantium animos ad fauorem pij operis flexit, ac bre-  
 uiterit nobilissimus Parthenon, qui etiam nunc sæ-  
 pissimè B. Rosæ Monasterium, hoc est diu. ante B.  
 Rosæ vaticinio prænuntiatum, amat appellari. Hoc  
 primum fatidico animo præcepit, cum aliquando le-  
 ctas in horto Rosas cœpit non sine deuotis suspirijs in  
 altū iactare, & germano frati superuenienti & quæren-  
 ti, quid rerum ageret, mysterium celauit, sed capere  
 loqui prodigia, nam quas B. Rosa in sublime sparserat,  
 hærebant in aëre, & in conspicuâ sanctæ Crucis figuram  
 aptissimè coibant, eidemque Cruci à succedentibus  
 Rosis decorò per circuitū limbus formabatur. Agnouit  
 B. Rosa Virgines illas esse, quæ in cruciformem arctio-  
 nis vitæ Regulam cooprata è sublimi perfectionis sta-

tu te  
 sun  
 tum  
 com  
 asser  
 bilis  
 Rosa  
 velu  
 etor  
 lioru  
 intu  
 quã  
 mor  
 nam  
 null  
 vita  
 imm  
 rum  
 pfit  
 us c  
 lam  
 ex A  
 sacr  
 aqu  
 etar  
 fmo  
 se c  
 dit  
 cui  
 Ma

tu terram despecturæ erant: Alias oranti fuit ostensum pulcherrimum pratens, lilijs rosisque variegatum; quod in hortum conclusum, & à profani sæculi commercio segregandum certò cognouit. Testatus asseruit R. P. Villalobos, Soc. Iesu vir sanctitate nobilis, suo se experimento propheticum spiritum in B. Rosa deprehendisse, quæ sui cordis arcana didicerat, velut etiam R. P. Philippi de Tapia Callaensis Rectoris, & Michaëla de la Massa, Mariæ de Melta, aliorumque: ita etiam res, loco, vel tempore diffitas intuebatur animo: diurnam vitam spondit agris quàm plurimis, serme iam in hora decretoria cum morte luctantibus: pueris, puellisque prædixit, quodnam vitæ genus ingressuræ essent: spondit, nonnullos religiosæ militiæ nomen duros, licet ab eo vitæ instituto alienissimi essent. Proregis animum, immutandum vidit, qui molesto muneri nobilem virum destinauerat: Ferdinando germano fratri scripsit, orituram ex illo filiolum, cuius vultum purpureus conspicuæ B. Rosæ character ornaturus esset, & illam innocentia singulari nobilem fore: aduectam ex Aethiopia foeminam, quæ profitebatur, in Panamâ sacro se fonte lustratam, cognouit, neququam fuisse aqua salutaris respersam, & insperatis indicijs conuictam ad meliorem frugem reuocauit; sacro illa baptismo tincta est, ac postridie felix interiit. Qui B. Rosæ cordium arcana, & quæ ventura trahebantur, ostendit Deus. Eandem legendi, scribendique artem edocuit, vt olim Sanctam Catharinam. Tandem eodem Magistro, suæ mortis diem, locum, horam edocta, nemi-

mini dulcius, quam sibi, suoque funeri fortunata va-  
tas præcinuit.

## C A P V T XIX.

*Beata ROS a mortis suæ præscia, cum vltima  
agritudine generosè luctatur, & sanctif-  
simè moritur.*

**F**esta Diuo Bartholomæo dies, quo se morituram  
præsciebat, pretiosa, & chara illi fuit, & studio  
singulari quotannis culta; hinc suo non contenta ieiunio,  
aliquot innocentes pueros induxit, vt secum in  
huius festi peruigilio ieiunarent. Mirabatur Mater  
quid filia tam peculiare cum sancto Bartholomæo  
verteretur, donec audiuit à Virgine, hunc sibi nuptia-  
lem diem fore. Supererat adhuc B. Rosæ triennium  
mortalitatis, cum ex graui morbo decumbens vide-  
batur omnibus vitæ marginem attigisse; at illa omni-  
um iudicio complorata, certo asseruit, distare nimium  
optatissimam metam, ad quam properabat. Annum  
denique suæ ætatis trigessimum primum ingressa, cu-  
ius ad exitum se non deuenturam cognouerat, qua-  
tuor ante obitum mensibus optimè valens, Gundilau-  
ui Quæstoris vxorem admonuit de tempore, ac mor-  
tis genere, quo viam vniuersæ carnis ingressura erat;  
quinimò & locum designauit, in quo corporis vincu-  
lis erat soluenda. Didicerat ex celebri visione arcu-  
um, de qua supra locuti sumus, totam seriem imma-  
nium dolorum, quibus vltimò lancinanda erat, eosq;  
acutissimos, & adeò multiplices fore, vt singula ex-  
hausti

hausti corpusculi membra, proprium equuleum essent  
 habitura: siti eadem sese torquendam, quam in Cru-  
 ce Redemptoris fauces aruerunt, intimas ossium me-  
 dulas ardore intolerabili depascendas: Illa tantæ a-  
 maritudinis calicem nil expauetens, in sacello Rosa-  
 rij obtulit sese beneplacito diuino, adeoque strenuè  
 ad epotandum absinthium se comparauit, vt cordis  
 ardor, vultum vehementer accenderit, & satis consti-  
 terit tunc vicini sui obitus præcisam diem illi fuisse  
 reuelatam. Denique triduo ante fatalem ægritudi-  
 nem adiit parentum ædes, vale dictura ibidem hor-  
 rensi cellulæ, cœlestium suarum deliciarum conscia.  
 Hicolorino cantu mortem inuitauit, & miris blandi-  
 tibus S. Patrem suum Dominicum est allocuta, eique  
 matrem à se destituendam commendauit. Calendis  
 Augusti sub vesperam sana, & vegeta suo se cubiculo  
 incluserat, cum ecce sub noctis medium auditur mi-  
 serabiliter eiulare: accurrit Quæstoris Vxor cum fi-  
 liabus, & ancillis, inueniuntque ægram toto corpu-  
 sculo extensam per solum rigidis sine motu mem-  
 bris; At illa interrogata quo malo angeretur, & vel-  
 letne medicum aduocari, malum quidem se nullum  
 habere dixit, sed ipsissimam mortem in intimis visce-  
 rum suorum penetralibus liberrimè dominari; cœlesti  
 verò medico tantum inuisibili opus esse. E terra in-  
 lectulum sublata, frigidus sudor stagnabat in pallida  
 fronte, luctabatur velut ingenti mole pressa respiran-  
 di facultas, rumorque ac tremor exangue corpusculū  
 oberrabant. Subinde libero suspirio, I E S V nomen  
 tenerrimè pronunciabat, quod vnicum illi erat solati-  
 um.

um. Adfuere medici, qui statim explorata vi pugnantium morborum, statuerunt, acruum tot cruciatuum humana patientia superiorem videri, neque dolores illos naturales esse, ac calicem ipsum, quem Sponsus biberat; iamque miscebat amantissimæ sponsæ. Et illa quidem à Confessario. verito ne ab humili modestia proveniret B. Rosæ silentium, pro imperio adacta, manifestè aperire, quibusnam cruciatibus intabesceret, licet experimento morborum omnia genera didicisset, hunc tamen utpotè peregrinum, non nisi per similitudines potuit explicare, dixitque: videri sibi candentis ferri globum per tempora adigi, à summo vertice vsque ad infimam plantam dexteri pedis, ignitum veru transmitti, & simili ardore transuersim à sinistro latere per meditullium cordis ab ignito pugione peruadi, à quo decussato ardoris tormento forma Crucis exprimebatur; viscera per frustra candenti forcipe euelli: caput inclusum candenti galeæ videri, & validis puncturis ceu malleorum ictibus contundi; ossa resolui sensim in puluerem, medullas instar cinerum aruisse. Fluctuantibus in mutuo aspectu contusis medicis, B. Rosa clam suo Confessario aperuit, frustra illos in exploranda morbi specie laborare, cum totus præter naturam esset, quo circa vnica sibi tolerantia opus fore, ut quoquo modo singulos Crucifixi Sponsi sui dolores experiretur: sinerent illam absq; omni humano alloquio aliquot dies iacere, cūq; amore suo, cui se mēbratim confixam in cruce sentiebat, colloqui perpetuo. Præfixa Augusti dies interim illuxit, quā in Caluarie mōte, non in Thabor cum Christo transfigurato

trans.



transegit; namque accessit sinistri lateris paralyfis, perque consequentes dies pleuritidis, asthma, ischiades, colica, atthritis, denique continua febris, ardor accerrimus. Usque adeò tota morborum cohors debuit incumbere, vt vnica hæc B. Rosa, fatali ægritudine solueretur, & articulatim moriens, gloriosum ferè martyrium ab amore Sponso illatum, subiret. Placidissima, tot inter cruciatus, animæ quiete, fruebatur, suosque dolores intendi, & vberiores pœnas suis criminibus irrogari, flagitabat. Subuebatur Virgo sapiens, ne tot simul morborum continua, & atrox violentia, sibi rationis vsum eriperet, ideoque tremula voce, flebilique, supplex obsecrauit domesticos, secum orarent Deum, vt illi se infortunio eriperet: & diuina pietas respexit humilitatem ancillæ suæ, & integrum illi expediti iudicij, ac linguæ vigorem peculiari prodigio, inter assidua ex hausti cerebri deliquia, seruauit immunem vsque ad extremum halitum; cum tamen sæpe, inter hos angores, ab vsu exteriorum sensuum illam abduxerit, vel morbi violētia, vel contemplationum excessus. Incredibili siti torquebatur. cumque bibere sibi per medicos non liceret, amarum tolerantiaæ calicem, ad imum vsque fundum, exhauriebat cum Sponso. Tenerrimam conscientiam, exomologesi pluries iterata, ac semel de toto vitæ decursu sese accusans, quam diligentissimè expiauit; ita vt procul audirentur gemitus, & suspiria. Triduo ante felicem transitum; diuinum viaticum, & sacrum oleum poposcit. Vt audiuit, epulum Eucharisticum sibi afferri, viuido colore suffusa coruscantis aurore

E

instat

instar gratiosè rubuit, mox gaudio suo impar, in altissimam extasim dirigit, & suscepto diuino Sacramento, pallido & exangui ore, fixa hæsit. At, extremam vnctionem tam alacri omnium sensuum officio moribunda excepit, vt verè oleum lætitiæ fuerit, quò se potius ad triumphum, quàm ad agonis conflictum sensit animari, vtpotè salutis adeò certa, vt insuper nosset, absque lustralis igni contactu, se recto itinere, ad Sponsi nuptias protecturam. Sæpius elata, & sonora voce, se orthodoxæ fidei filiam, professæ est, ac Sancti Dominici sobolem, candidum eius Ordinis interfigne, quod scapulare dicimus, continuè, & patule ante se protensum volens. Exquisitis, ac summè efficacibus verbis, veniam à Deo exorauit, pro illis omnibus, qui in toto vitæ decursu, molestijs, damnis, alijsque se iniurijs affecerant, & Crucifixi paruum simulachrum manu stringens, satiari non poterat his verbis: *Pater ignosce illis.* Domesticos omnes, acciri demissè petijt, & licet ex his neminem verbo, aut minimo vnquam nutu offendisset, à singulis, & omnibus lacrymosa voce, orauit condonari sibi, si qua in re vlli molesta accidisset: dolere, quod adhuc per biduum, illis oneri esset futura: haud procul abesse horam, quæ domum Gundisalui, à fœtidæ Rosæ, longo fastidio, inutilique pondere, liberaret. Nemo fuit, cui hæc verba vberes lacrymas non excusserint, omnes enim eximiam illius sanctitatè mirum in modum, venerabantur. At Quæstor metuens, ne post obitum B. Rosæ, de condendo tanti funeris thesauro lis inter Parochiam, & Sancti Dominici Conuentum exurgeret,

ret. n  
cum  
apud  
men  
fuit  
luti i  
mis  
Virg  
bus  
ijjde  
bat i  
rater  
latit  
Pau  
lio  
secre  
cun  
ria,  
nun  
che  
me  
quo  
con  
sim  
effi  
vie  
nie  
Ge  
hi  
ba  
fic

ret nec ausus modestissimæ Virgini, periculū honorificum illud aperire, ingenioso consilio dixit, obrinēdæ, apud Fratres Prædicatores, sepulturæ desiderium, potius mendicando, quam testando innueret: quod ipsa præstitit, eum sui Ordinis esse morem existimans, & veluti indignam, expelli se posse timens, nisi hoc infimus precibus, impetraret. Sub vitæ finem, crebriora Virgini fuere dulcissimorum raptuum interualla, quibus paratæ cælestis gloriæ sapor, iam delibabat, & iisdem gradibus, quibus debile corpusculum fatiscibat in mortem, animus in vigorem, & securam hilaritatem attollebatur, adeo, ut auctam in singulas horas lætitiæ, nec voce nec vultu, dissimulare iam posset. Paucis ante obitum horis, ab humanarum rerum exilio in se regressa, P. Fr. Francisco Niero ingenuè, ac secretò dixit: Oh quàm excelsa, quàm pretiosa, iucunda, eximia, tibi, de suauitate Dei, de læta ipsius curia, de regione æternitatis narranda haberem? vado nunc, cum tripudio ad perenniter contuendam pulcherrimam illam faciem, quam toto peregrinationis meæ exilio, quæsiui. Omni deinde officio parentes, quosq; parentum loco habuerat, Gundilalum, eiusq; coniugem, est prosequuta: tum germanos fratres sensim, deinde Quæstoris filias, tum reliquos domesticos efficacissima oratione, ad amorem virtutis, inflammauit. Media nocte clamor factus est, & Sponsus venit, quem B. Rosa vultu sereno, & hilari excepit: Germano fratri innuit se migrare, & cervical subtrahi iussit, ut capite, ad nudum lignum acclinato, delibaret Crucis incommoda, & IESVS, IESVS mecum sit, dulcissimè ingeminans, ad illum euolauit. CA.

## CAPVT XX.

*Beata Rosæ funebris conductus, exequia, tumulus; eiusdem sepulchrum Ordinarij auctoritate mutatum solempni Corporis translatione, & ingens Fama sanctitatis.*

**V**uidus faciei, color, labia rubētia, & in risum diducta, ambiguam fecere adstantibus B. Rosæ mortem donec adhibito speculo, patuit, nullum in ea superesse halitum. Tunc omnes, repentino prodigio peruasit arcanus lætitiæ sensus, ac tota domus visa est innatare, gaudio nuptiali. Ex adstantibus vna, vidit numerosa Angelorum corona, B. Rosæ lectum circumdari, eademque iurato asseruit, ante felicem B. Rosæ transitum fuisse à Christo reuelatum, Virginis mortem fore admirabilem, & sepulturam gloriosam, & vetuisse ne funeri circumponerentur panni lugubres, sed imperasse, vt niuei, quique triumphum decerent. Ac triumphantis quidem in morem, deducta ad Tumulum B. Rosa fuit, namque vix dies illuxerat, cum ad Quæstoris ædes, innumera hominum vis accurrit, mirantibus domesticis, vnde, aut quo pacto, nuncium defunctæ & calentis adhuc B. Rosæ, tota Vrbe diffundi potuerit. Circumfusi promiscue nobiles, ignobiles, aduenæ, Ciues, Indi, Hispani certatim Rosaria sancto Corpori applicuerunt: Hic flores vesti impositos, diripere; hic vestis extrema, hic pedes raptim deosculari. Tentauerant pluries oculos defunctæ Virginis obtegere, adductis palpebris, sed frustra

stra nam sensim recedentes, liberum Colūbinis, pupil-  
lis aditum dabant, ut Limenses suos dulciter intueren-  
tur. Nisi Prorex, armatae suae custodiae, Cohortem  
praetoriam eò destinasset, explicare se domo funebris  
pompa non potuisset; adeò turba innumera comple-  
verat atrium, ambulacra, & angulos omnes: Quin &  
plateas, fora, vicos, qua transeundum erat, aliquot  
ante horis occupauerat. Ideo Archiepiscopus, qui  
prodierat funus deducturus, ad Gundisalui aedes elu-  
ctari diffidens, rectà perrexit ad Templum, Diui Do-  
minici, ibique ad valuas Virgineum. funus praeto-  
latus est. Interim sacra omnia sodalitia, Religiosae fa-  
miliae, confluxere, & ipsum Metropolitanum Collegi-  
um, praeter morem vltro adfuit; namque solum Ar-  
chiepiscopos, solet efferre. Accessit amplissima Curia  
Senatorum, qui honos, defunctis Proregibus praesta-  
ri solet. Matronarum ambitiosa pietas, & visendi  
ardor fenestras, pergulas, arcus occupauerat, & certè  
numquam alias sic visa est vniuersa Ciuitas commo-  
ueri. Supposuit humeros feretro, Capitulum Metro-  
politanum, deinde, mutatis vicibus, Curia Senato-  
rum, mox Primores ex Religiosis Ordinibus. Feriebant  
sydera clamores, Sanctam asserentes B. Rosam, & nisi  
hastatorum bipennes, quasi sepe obiecissent corpori,  
pars illius exigua tempore fuisset illata. Ut limen atti-  
git, noua iucunditate exhilarescere visa est Virginea  
facies, & in Sacello, cui à Rosario nomen est, prodi-  
giosa imago Deiparae repente fulgore insolito micuit,  
& manifestis laetitiae argumentis, visa est excipere B.  
Rosam suam. Mox eò confluxit torrens, ingentis po-

puli, cumque omnes viderint splendores insuetos, fuerunt etiam qui suspicarentur, imaginem portento- so sudore maduisse. Tumulum Beatæ Rosæ, circū- scribebant Patres dignitate, & senio grauiores, cum ne thesaurus ille diriperetur, tum ut eidem ad- mouerent debiles, & claudos, qui spe obtinendæ sa- lutaris accedebant, neque spe frustrati sunt, ut conse- quenti capite, palam fiet. Ponē constitērat hastata Proregis Cohors, ut confusam molem, irruentis po- puli distineret, si posset. Sepulchro tradere sacrum Corpus destinabant Patres, cum tanta insonuit popu- li vociferatio, ut supersedendum fuerit, & nisi certa spe lactatus fuisset populus, domum nemo se recepisset. Sed turba, quæ templum infederat, dilapsa, con- fluxit alia, & Archiepiscopus natu, namque vox au- diri non poterat, iussit corpus Virginis in Sacristiam deportari, cumque nec ibi esset in tuto, raptim inferri adytis Nouitiorum. Ibi Archiprætul fusus in ge- nua, manum Virginis deuotè osculatus, eam in singu- lis digitorum articulis, perinde ac si viueret, tracta- bilem sensit. Postridie laxatis templi foribus, & rela- to Virgineo corpore, vndatim irruit admissus popu- lus, neque incolæ tantum; sed & remotiores, accolæ, qui à sex, & amplius leucis accurrerant. Proregis mi- lites, impetum frenare non potuerunt, ideoque omnis ætas, & sexus, ad feretrum eluctari contendit: hic calculos precarios, alius sudarium, numisma, & quid- quid ad manus erat, contingendo sacro Corpori, præ- tendebat. Turba languentium penè cum iurgio fe- stinabat accessum, pueri per obstantium capita subli- mes

mes mittebantur ad contactum salutis, & vix ipsum corpus seruari potuit, cum velis, capillis, & vestibus direptis sexies mutanda B. Rosæ fuerint indumenta. Resonabat vndequaq; templū, perpetuis vocibus Sanctam proclamantium, & pulsu, ac tintinnabulis signum dabatur choro, cum respondendum erat Sacerdoti ad Aram facienti, Sed nisi Cantores Choro egressi, ipsum Altare circumstetissent, consummata non fuissent diuina Mysteria. Anxistes è throno progressus ad feretrum, vltimam efferendi ad tumulum, corporis pompam adornabat, cum iterum validioribus ingemuit clamoribus stipata turba, rursus densato cuneo, vndique irruit in suggestum, ideoque praesens periculum direptionis diuertendum fuit, oblata populo dilatione sepulturæ. Confirmauit spem pulchritudo, & suauolentia Virginei corporis, quæ, nullum fore periculum, spondebat, si vel in plurimos dies publico conspectui superesset. Per sex horas supra triginta, idem perstiterat oris decor, oculorum patentiū fulgor, & candor manuum: Nulla infederat vultui fuligo sub aëre tam humido, calido, & ex concurrentium refluxibus, puluerulento. At mirifica Cœlestis odoris fragrantia, spirans à sacro Corpusculo, post decem & nouem menses, recreauit illos, qui ex humanam B. Rosam nobiliori sepulchro crediderunt. Sub meridiem clausis templi foribus, & elusa spe populi redituri, conditum est B. Rosæ corpus, in præparata è Cedro arca, & in æde Capitulari sepultum. Vt primum fores patuere, irruit vnda populi, & Sanctam inclamans, puluerem sepulchri, terramque certatim  
aspor-

asportauit. Inde continuo fluxu rhedarum, paterna B:  
 Rosæ domus frequentati cœpit à nobilibus viris, qui  
 hortensem cellulam venerabantur, quam Virgo soli-  
 tudinis studio, inhabitauerat. Eximia prodigia, quæ  
 palam crebrescebant, mirum in modum commenda-  
 bant populo sepulchrum Virginis, cui nondum vide-  
 batur exhibitus debitus cultus. Idcirco solemniores  
 instaurare exequias, quibus ipse Prorex interesset, sta-  
 tutum fuit, cumque diu inter illum, & Archiepisco-  
 pum amica quæstio agitata fuerit, eò quòd præstituta  
 dies, & sæpe variata, semper alterutri incommoda  
 accideret, tandem ambo in quartam Septembris con-  
 uenerunt, omninò inscij, eam Sanctæ Rosæ Viterbien-  
 sis, honori dedicatam esse. Tota iterum sedibus suis  
 emota Ciuitas, templum impleuit, & dum Sacerdos  
 Numini commendabat B. Rosam, voce non impari  
 sese populus commendabat Beatæ Rosæ, cuius fama  
 celeberrima, breui totius Regni oppida, permeauit.  
 Potosi, trecentis leucis Lima distitum, in communem  
 gratulationis impetum efferbuit, sonnere in turribus  
 æra campana, micuere luminaria, & tota passim regio  
 Peruana, Beatam Rosam celebrauit, à qua cuncti po-  
 pulariter sibi suffragium pollicebantur: Neque tractu  
 temporis, elanguit populi ardor, namque miraculo-  
 rum celebritas; & multitudo in dies, ad inuisendum  
 B. Rosæ sepulchrum, plures accersebat, ideo cum tota  
 Vrbs, & vulgus pariter, & vtriusque ordinis Princi-  
 pes, assererent Beatam Rosam, communem Limensiu-  
 um thesaurum, publico deberi. Archiepiscopus, omni-  
 um ardentissimo studio, libenter annuit, & initio anni



1619. prodijt è sepulchro Virgineum corpus incorruptum, & suavissimum odorem inhalans. Celeberrima pompa delatum fuit in templum, vbi egregius orator, de admirabili B. Rosæ Sanctitate verba fecit, ac tandem illata Virgo fuit cryptæ ad dexteram summi Altaris, vbi cum nimium glisceret populi turba, namque omnes, ad sepulchrum Virginis, velut ad secundam aram, subito conuertebantur: hic perpetuus tumultus erat offerentium vota, suspendentium anathemata, deponentium scipiones, consulendum fuit reuerentiæ sacri Tabernaculi, translatis exuvijs B. Rosæ, in Sacellum Sanctæ Catharinæ Senensis. Interim Limam, peuenere literæ Apostolicæ, quibus autorati Iudices, Tribunal ex formula sacrorum Rituum erexere, vt examen instituerent de vita, & gestis Ancillæ Dei Sororis B. Rosæ à Sancta MARIA. Adfuere testes 183. cumque solum superesset inspectio Reliquiarum, delegati ad hoc munus, repererunt virgineum corpus, expleto post obitum anno ferè iam quintodecimo, ossibus integris, & sicca hinc inde carne obductis, spirans odorem, quo fragrant siccata ad Solem Rosæ. Hinc aulam Capituli adiere lustraturi primum Virginis sepulchrum, è quo certatim fideles hauriebant puluerem ad varia morborum genera depellenda, cūq; non nisi quinque pondo terræ visa sint eruta, aliunde constitit, complures modios ex illomet foramine fuisse effossos. Sed cum exinde Procurator Generalis Ordinis Prædicatorum, admonuisset Limentes Patres, habendam esse rationem constitutionis Urbani VIII.

qua

qua Viris nondum albo Beatorum adscriptis, Apostolica auctoritate, publicus honor interdicitur, illico intempestiuum cultum, venerabilis B. Rosæ, abolendum censuerunt. Populus Sacellum quæstibus impleuit, & sparsio in vulgus rumore, clam in Hispaniam delatum esse B. Rosæ corpus, non leue periculum imminuit Religiosis viris, qui non sine labore compefcuere turbas, ostendentes, ita consulendam illustrioribus B. Rosæ honoribus, qui ab Apostolica Sede sperantur. Et his quidem præludit eximia fama Sanctitatis, quæ omnes rapit in admirationem B. Rosæ. Nimum quantum protenderetur hoc qualecumque compendium, si elogîa Præstantium Virorum, hic subnecterentur. Non tantum sacra D. Dominici Familia, literis communi nomine datis, Sanctam illam, admirabilem, clarissimis illustrem miraculis, & prophetico spiritu, inquæ omnibus D. Catharinæ Senensi, supparem dicit, sed & Limense Cœnobium, Patrum sanctæ MARIÆ de Mercede, & Nicolaus Mastrillus Duran, Prouincialis Societatis IESV, communibus suorum votis, & Sacer Ordo Beati Ioannis Dei, & Patres Eremitarum Sancti Augustini, & Minorum Sancti Francisci, & Ecclesiæ Metropolitanæ Limensis nomine datæ literæ, Summum Pontificem, infimis precibus exorant, vt in Sanctos referat Rosam, & tutelarem Limæ concedat: Eius virtutes enumerant, ac notissimam Sanctitatem & admiranda prodigia. Addenda hic esset relatio perhonorifica, qua, Eminentissimus Princeps Decius Cardinalis Azzolinus, in sacra Rituum Congregatione

coram

coram Sanctissimo D. N. die 15. Septembris 1663. Beatæ Rosæ virtutes enumeravit, & supplices literas, nouem diuersorum Ordinum, ac illustrium Virorum Limentium, tres Regis Catholici, tres itidem Eminentissimi Cardinalis de Aragonia, & binas Magistri Generalis Ordinis Prædicatorum, & perseuerantiam, & augmentum famæ Sanctitatis, & deuotionem Populorum, quam amplificatam dicit miraculis supra centum nouemdecim, ex processu remissoriali auctoritate Apostolica confecto.

### C A P V T XXI.

*Beata Rosa, post mortem, & sapissimè & multis apparet gloriosa. Eadem in scelestorum conuersionibus, & obstinatione cordium emollienda, mirabilis.*

**P**Ræfari libet, hæc etiam quæ consequuntur, prodigia ex authenticis processibus Signorum, Gratiarum, & Miraculorum fuisse delecta. Aloysia de Serrano, vt sæpissimè Beatam Rosam immortalem vidit, ita semel præsertim, inter agmina Beatorum, à Deipara Virgine deductam ad Solium diuinum, & immense gloriæ corona, decoratam. Testatum reliquit coram Apostolicis Iudicibus Quæstor Gundisaluuus viginti, & duabus vicibus, Sancto Viro conspicuam fuisse gloriâ Beatæ Rosæ, quæ pariter Doctore Ioanni Del Castillo, videndam se præbuit in fulgidissimo lamine, rosæ vndique circumdatam. Deinde verò, plusquàm quinquagies eidem illuxit, multa,

multa, ac sublimia illi edifferens, de felicitatis suæ excelsa fastigio; quin idem in postrema depositione anni 1631. persanctè asseuerauit; integro sex mensium spatio, interdiu, noctuque, se diuinitus admissum ad tantæ beatitatis spectaculum, ac deinde Cœlesti Ephæbo à B. Rosa imperatum, vt suas vices obiret. Quàm plurimis alijs, notæ Sanctitatis. B. Rosa videntem se obtulit, nunc in Cœli viridarijs cum Christo perambulans, nunc eidem Limanam Urbem, & Regnum Peruanum commendans, nunc vultu hilari, & iucundo nutu probans ea, quæ referebantur in tabulas à Quæstoribus virtutum suarum, nunc adornans conclaues; chartam dirigens, & graphiaria instrumenta, Notarijs disponens, excepturis ea, quæ testes proferebant in commendationem sui, & ridentiore, visa gratiam pro obsequio sibi exhibito, spirare. Fuit etiam, quæ nocte concubia hæc verba audiuit: B. Rosa verè Sancta est, quibus confirmata sunt ea, quæ de Rosæ Virtutibus, iurato protulerat. At Didaco Hyacintho Paceco qui ex quotidiano hypographicæ artis lucro victitans, iussus fuerat in causa venerabilis B. Rosæ, bis mille folia processuum, seu actorum intra certum tempus scribendo absolueret, iamque desperabat se oneri parem fore; adeò lassabantur digiti, stupebat brachium, diuaricabantur nerui, in somnis B. Rosa se scribæ suo exhibuit, & leniter accedens, dexterum iacentis brachium commiter arripuit, validè strinxit; & euigilans Pacecus, scripsit ab aurora ad vsque Solis occasum, nulla digitorum lassitudine, nullo cruciatu neruorum, brachio leuissimo,

fimo, & supra modum expedito. Perrexit deinde reliquos dies scriptioni laboriosæ, citra laborem impendere, attonitis quicumque Pacecum nouerant, eisque pulcherimum characterem rotæ chartis, illitum viderunt. Decumbebat in Limano Cœnobio P. M. Augustinus de Vega, Ordinis Prædicatorum tunc Peruuia Prouincialis, iamque de hominis vitæ conclamatum erat, cum B. Rosa Christophoro de Orrega, suis in ædibus dormienti, Imperat primo diluculo Cœnobium adeat, & Prouincialem moribundum conueniat, denuncians, nequaquam illum tunc è viuis abiturum, sed aliquandiù sub Episcopali infula in vinea Domini laboraturum, quod re ipsa contingit. Celeberrima peccatorum apud Deum Causidica, vt conuertantur, & uiuant, B. Rosa fuit. Quàm plurimi ad solum Virginei corporis in feretro contactum, ita fuere compunctionis stimulo perculsi, vt ibidem exserint coram populo elatis vocibus, sua scelera detestari, & inter hos nonnulli iuuenes liberioris vitæ, qui eo solum consilio venerant, vt defunctam pulcherrimam Virginem, intuerentur. Successiuis deinde interuallis, ad Mariam de Oliua B. Rosæ Matrem, iuere complures, etiam ex Religiosis ordinibus: vt illius egestatem, aliquo subsidio recrearent, professi hoc se tributum pendere B. Rosæ, cui debebant felicè suæ vitæ permutationem. Quidam profligatæ conscientia, vir, nunquam toto sacrilegæ vitæ suæ decursu ritè confessus, at alterius pietate B. Rosæ commédatus, ab annoso conscientia lethargo euigilauit, adeoque animum, quem callus obduxerat, timor

Domi

Domini molliuit, vt deinceps vmbra, sceleris horruerit. Ex concordia plurimorum, qui confessiones exceperant, testimonio, liquido constitit, post imploratum B. Rosæ in Cœlis auxilium, innumeros tùm Lima, tùm in vniuerso Regno, ex abyſſo scelerum emerſiſſe, quod beneficij genus, inter validiora ſolidæ Sanctitatis argumenta, ex communi Sanctorum Doctorum ſententia, meritò computatur. Quid quod Lima paucis à Virginis obitu diebus, tortilia, diſciplinarum flagella, ſetarum cingula, & variæ ſortis cilicia, ob emptorum multitudinem, ſubito deſecerunt: Inſignes peccatrices, luxuriæ nodis exuta, in calle Virtutis, conſtantem fixere pedem: In vniuerſa Peruana regione, Sacramentalis pœnitentiæ adminiſtri communicatis indiſcijs, adſtupere tantam morum mutationem in populo, à die, qua Beata Roſa in Sponſi ſui Regno cœpit agere cauſam Ciuium ſuorum. Fœminæ, certatim abiecere veſtium luxum, Religioſa clauſtra cruentis flagrorum ictibus, perpetuò perſonuerunt, Confessariorum vbique ſedilia planctu & gemitibus ſunt obſeſſa, & vir grauiffimus iuratus aſſeruit, ex quo Peruvia noſtris detecta patuit, nullum inclaruiſſe diuini verbi concionatorem, qui tàm vniuerſalem pœnitentiæ ſpiritum, & luculentum pietatis incendium, excitauerit. Et egregiæ quoque virtutis viros, ad ſtudium Sanctitatis accendit, veluti Patrem Ioannem de Villa lobos, Rectorem Tyronum Societatis I E S V, qui cum à moritura B. Roſa poſtulafſet, vt ſe traheret in odorem virtutum ſuarum, ab eius obitu, ſenſit arcanas cordis ſui ynctiones, & ſtricturas in-

ſolita  
cum  
rebel  
rem,  
ſuis,  
octo  
à Fra  
ſcide  
& ha  
rum  
con  
inno  
eſſe  
Roſ  
ante  
Lud  
ſa S  
inu  
ere  
peſ  
luti  
ſta  
San  
lab  
ma

B  
ti  
de

solitas, luminum diuinorum. Quidquod & quocumque libitum illi fuit, Beata Rosa pertraxit animos rebellantes. Mariam de Xuara, foeminam praediuitem, & opulentam, implacabiliter auersam priuignis suis, Francisco, & Alexandro de Coloma, & eorum octo Consobrinis pauperrimis, ita emolliuit exorata à Francisco, vt consequenti manè, illico matertera resciderit testamentum, quo alijs omnia sua legauerat, & haeredes ex asse scripserit, quos antea oderat mirum in modum: Ludouica Barba, vix non exanimis concidebat, cum audiret à Confessario suo, diuinitus innotuisse Beatae Rosae, quod ipsa religiosum habitum esset aliquando indutura; sed illico à morte Beatae Rosae, Ludouica, exarsit ambitu sacrae vestis, quam antea veluti Medusae vultum, horruerat. Alteram Ludouicam de Mendoza, incertam, ac de Beatae Rosae Sanctitate animo fluctuantem, repentinus angor inuasit, adeo vt manibus, pedibusque mutilatam se crederet: grauior eiusdem spiritum caligo, ac tempestas mentem obsedit, ac turbatum cor quodam veluti terræmotu succuti caepit; quae omnia euanuerunt statim, atque elatis vocibus intonuit: Beata Rosa verè Sancta est. Usque adeo pro Sponsae suae honore zelabat Sponsus ille diuinus, cui venti obediunt, & mare.

**CAPVT VLTIMUM.**

*Beata ROSAE defuncta tactu, odore, veneratione, mors, morbi, pericula depelluntur. Eiusdem cingulam, vestes, sepulchro exemptus puluis,*

uis, & pictæ imagines, phrænesim, cancrum, le-  
pram, & omne morborum genus, mirabi-  
liter currant.

**Q**UAMVIS perpetuum prodigium fuerit Beatæ Ro-  
sæ vita, innumeris illam ad aliorum salutem mi-  
raculis decorauit Deus, quæ si omnia percenterem,  
procul à compendij legibus, iret historia nostra. Præ-  
stantiora quædam iufficiat indicasse; inter quæ prin-  
cipem locum tenet reuocata ad vitam Magdalena de  
Torres, filiola semestris Gregorij Agricolæ, quæ cum  
exanimis à vespere, ad vsque postera diei lucem, iacu-  
isset, iamque paratus effodiendo sepulchro sarculus  
adstaret, attractu vestis Beatæ Rosæ, illicò viua, & sa-  
na, in lecto confedit. Antonius Bran, tribus mensi-  
bus cum feбри, & angore pectoris congressus, tandem  
iacuit sine motu, anhelitu, vllouè vel minimo signo  
vitali, nec vellicatione, vel pulsu vllum à gelido cor-  
pore, potuit extundi argumentum superstitis vitæ,  
quam tamen post aliquod tempus, in corpus reuocauit  
Beata Rosa, ab adstantibus implorata. Dum in tem-  
plo supersuit virgineum corpus, quàm plurimis mani-  
festam salutem attulit, veluti Elizabethæ Duran, cu-  
ius brachium à multo tempore siccum, & inutile hu-  
mana ope curari non posse, Medici statuerant: Et  
seruus Æthiops, qui dexteri brachij, manusque vsum  
ex plica, & neruorum attractione amiserat: Et Ge-  
orgius de Aranda Presbyter, qui ob excepta in fini-  
stro brachio vulnera, in bello Chilensi, sanie, con-  
uulsione, ac tumore attractam manum, vegetam, sa-  
nam,



nam, & flexibilem reperit: Et Alphonsus Diaz mendicus, toti Lima notissimus, qui humili nixus fulcro manumque & pedem ex attractione inutiles per solum trahens, illicò exiliuit in pedes, postquam ad Beatæ Rosæ tumulum, orauit: Adreperunt & pueri duo Æthiopes, quorum alter nec palmum à terra erigere se, alter vix grallis vrcumque librare se poterat, & Beatæ Rosæ beneficio, extrèplò incolumes, duxere per templum choreas. Pueros quàmplures, varijs morbis implicitos, repente Beata Rosa incolumitate donauit, ideoque certatim de manu in manum porrigebantur, vt ad salutiferum contactum, peruenirent. Quid porro enumerem, reuocatos à faucibus mortis, adhibito cingulo, velis, particulis vestium, aut alijs, quæ pia sedulitas, Beatæ Rosæ corpori, admouerat? Nullum penè genus ægritudinis esse reor, quo aliqui pertentati, salutem Beatæ Rosæ, non debuerint. Et capite laborantes, & intolerabili cruciatu dentium, & oculis aliquamdiu capti, & cancræna perusti, lepra, impetigine, apostemate, arthritide, hydrocela, angina, ad vltimum vitæ discrimen adducti: Et ex alto in profundas foueas prolapsi, & ab equis, super irruentibus, oppressi: Et qui mortem hauserant in poculis venenatis: Et quibus non nisi ad dolorem & onus, luxata brachia, pedesue, supererant. At, quos vrebatur ardentissima febris, tam præsentem Beatæ Rosæ opem experti sunt, vt omnem adnotandorum nominum diligentiam superauerint, & Ioannes Lobo Presbyter, sacramento coram Iudicibus firmauerit, se diuersissimis locis Chuquisaquæ, Potosij, Orurz, alibi

alibi flagitantibus promiscuè omnis ætatis, sexus, & conditionis infirmis præbuisse potum viuifica terræ, exemptæ sepulchro Beatæ Rosæ, & illicò in omnium conspectu ferè innumera curata fuisse languorum genera, & febres præcipuè statim abactas. Pepercerat hæc terra, prodigiosè corpori Beatæ Rosæ, namque cum Limense Cœnobium, trecentos numeret Religiosos viros, vt aula Capitularis, excipere possit omnia decedentium cadauera, ex agro Panamæ aduecta gleba fuit tenuis, soluta, arenosa, & innato calore subtiliter vorax, quo extemplo resoluat ossium duritiam, & ingesta funera, absumat. Mirum dictu! vnico, totoque illo spatio, vbi sacrum Beatæ Rosæ corpus immissum fuit, gleba mutauit indolem, ac ferè punicea soliditate, in se coacta obduruit, vt solùm ibi digitis, leuique manu teri, aut frangi nequeat, quin ferro opus sit, vt excauetur: non sic reliqua illius ceterij (suburra, tritu facillima, tractabilis, fluuida. Porro in hoc Beatæ Rosæ Cœnographio, ad perenne humani generis beneficium, viua salutiferi pulueris scaturigo laret, quod præsertim patuit anno 1632. cum post exportatos inde, totoque Regno distributos terræ cophinos, vix tria, vel quatuor pondo cauo strobiculo, eruta visa sunt. Et cum Pater F. Bernardus Marques paucis ante diebus, totum immisisset brachium foramini, paulò post succrescente intus puluere, vix manum immergere totam potuit. Sexenni Virgini muciculos gutturales inflammabat Synnanche, & Chirurgus vlcere inspecto, negauerat puellam curari posse, namque cancrena, se plagæ insinuauerat, & erosa car-

nes frustillatim vlceri excidebant: atque indies, serpebat malum. At, epoto salutifero puluere conualluit. Ab annis viginti, Abbatissa Monasterij Sanctæ Claræ, miserrimè torquebatur ex inflatione tibiæ, in qua sparsim, plusquam quadraginta vlcerum hiabant ora, sed & febrim per viscera sæuientem extinxit, & vulnera clausit, puluis hic salutaris. Sed quid singula enumerem? Fœminas præcipuè puerperij doloribus tabescentes, præsentissimo auxilio Sanctæ Rosæ sæpissimè recreauit, idcirco quamplurimis pueris, ac puellis additum fuit cognomen, de Rosa, in perpetuum beneficij monumentum. Ipsa natura voluit aliquando superesse mnemosynon beneficij à Sancta Rosa collati, veluti in Petro de Quixano, qui cum transuersim, actus in vtero matrem exanimaret; ope Sanctæ Rosæ prodiuit statim, pictam gerens in dextera palpebra, Rosam. Et aliàs, huic noui Orbis Thaumaturgæ obtemperarunt mutatæ naturæ vices, vt quando, Tauros ferociter irruentes compescuit & piscibus imperauit, vt in retia confluerent, & puellæ decenni vires addidit, vt pondus erigeret, cui quatuor robusti baiuli impares fore credebantur. Quin etiam mentem, aliquibus ab eius statu dimotis, illicò redonauit. Hinc vniuersæ Peruuie incolis, commune studium fuit, in prodigiosæ virtutis memoriam, passim per ædes, Sanctæ Rosæ effigiem habere, cuius osculo, quàm plurimi cum morte luctantes, enormiter faucij, per humum solutis membris repentes, salutem illicò receperunt. Ex his imaginibus, aliquæ pallentem Sanctæ Rosæ vultum referentes, visæ sunt venustè in genis rube-

re, & blando fulgore hilaritatis suæ, omnium animos accendere ea die, qua publicè perlectæ sunt Apostolicæ literæ, compellentes vndique fideles, ad Sanctæ Rosæ prodigia, sacris Iudicibus deferenda. Sed accipe ipsa verba Sacræ Congregationis, miracula approbantis, Heroica. I. Præseruationis à vicina morte Ioannis Zelillij, per quatuor Menses oppressi febris Hæctica tertiæ speciei, progressa in exquisitum marasmum, cum pulmonis vlcere, tussi marcidum sanguinem excreante, ac gutture pariter vlcerato, cui etiam superuenerat febris putrida, ac maligna, adeò, quòd susceptis omnibus moribundorum Sacramentis ad extremum redactus agonem iacuerit absque motu, & arteriarum pulsu triam Medicorum voce iam proclamatus: qui demum S. Rosæ auxilio implorato, sumptiq; sepulchri eiusdem puluere, in cochleari aquâ resoluta, confestim salutem cum pristino vigore, recuperavit. II. Candidæ Rosetæ, Vexilliferi Aloysij de Caruaial Hispani vxoris, cui in partu fetus præmortui, conatus nimius, pro emissionem secundarum, per triduum adhibitus, vnâ cum illis extruserat matricem, quæ deinde frigifacta, marmoris instar obdurata, nigra, visuq; horrida, prægrandis, ac trium librarum pondere grauis, cum ingenti cruciatu, per octennium sic permansit foris, donec Sanctæ huius (cui se impensè commendauit) Imagine papyraceâ ventri ipsius applicatâ, statim comperit matricem in aluum sibi rediisse, vnde illicò sana & robusta lecto exiit, ac per domum præ gaudio visa est saltitare. III. Fr. Seraphini Puglisi ex Ordine B. Mariæ de Monte

Monte Carmelo, qui laborans febrî malignâ ac decimo septimo suæ infirmitatis die, derelictus à Medico asseuerante moriturum noctis insequentis horâ quintâ vel sextâ, visu & loquelâ destitutus, ac in agone positus, ope huius Sanctæ, ex toto corde imploratâ ( quæ & ægro per visum apparuit ) in continenti sanus, robustus atquæ incolumis euasit, compertusq; fuit. IV. Angelæ la Cibassa, binis febribus tertianis continuis ac malignis cum dolore capitis & stomachi, flatuumque copia per dies viginti septem, acriter cruciatæ, oppressæ, à Medico proclamatæ, morti proximæ, iamque sex horarum spatio in agonia constitutæ, quæ Matris hortatu Sanctæ huius ope inuocatâ, dein oleo ex lampade ante eiusdem aram pendulâ desumpto, vnctâ in colo, pectore ac stomacho statim, atque in continenti, pristinae salutis, cum omnimoda recuperatione virium, fuit restituta. Hæc approbata, sufficiant, siquidem Canonizatio Sollemnissima die XII. April. 1671. subsecuta est. At, desunt verba, calamus mihi non datur exactus, vt vel pauca exprimam hic, Quæ? & Qualiter? peracta Romæ, & vbique in hoc nostro, & apud Antipodas, Hemispherio, gestientium animorum & congratulantium tantæ Sanctæ, & gloriosæ Virgini Rosæ! Quæ, ô vtinam & pro nobis oret, suscipiatq; ad protegendum, Regnum Poloniæ. Fiat, Fiat.





Biblioteka Jagiellońska



stdr0024903

